


जिवकेशरी चित्तधर 'हृदय' या सच्छिद्रं बुद्धिया लसताय

नेपालभाषाया नीनिम्ह च्वमिपिं

(व्यक्तित्व च्वसु मुना)



शान्तराज शाक्य



भी कवि चित्तधर "हृदय"

- पिकाकः : शान्तराज शाक्य
 स्वाथबहा, न.त्वा, यल, नेपा. ।
- सफूया नां : नेपालभाषाया नीनिम्ह च्वमिपिं ।
- विधा : व्यक्तित्व ।
- च्वमि : शान्तराज शाक्य
- पिथना : कविकेशरी चित्तधर 'हृदय'या सच्चिदं बुन्हिया लसताय् ।
- पिहांवःगु : ने.सं. ११२६
 वि.सं. २०६२
 सन् २००६
- न्हापां : द्वेछि ।
- सफूया हामा : च्वमि ।
- मू : ५८१
- थाकू : जय वगलामुखी प्रिन्टर्स
 न.त्वा, यल ।

देछल !

तलरलडडु सलनुछुलरी शलकुड
व
डसुत लुँऑल शलकुड,
डतलनल शलकुड व डऑु शलकुडडलत ।

शलनुतरलऑ शलकुड

कुवलथडलल, नःतुवल, डल ।

नःसं. ११२६, ऑुलललललः ३०



न्त्यखँ



ध्व ने.सं. ११२६ दँ चित्तधर 'हृदय'या सच्छिदं खः ।
वय्कः साहित्यया थी थी विद्या कविता, बाखं, निबन्ध,
छधाःप्याखं, महाकाव्य च्वयेगुलिइ व नेपाल भाषाया वाङ्मय
प्रकाशन यायेगुलिइ न्हापा लाःम्ह व्यक्तित्व खः । नेपाल भाषाया न्हापांगु पत्रिका
'बुद्ध धर्म' दँ २, अंक १-२-३ स धर्म आदित्य धर्म्माचार्य, वैकुण्ठप्रसाद श्रेष्ठ
व बुद्धोपासक चित्रधरया नां समेत तयाः दकलय् न्हापां स्वच्छन्द कविता पिहां
वःगु खः । थथे हे दकलय् न्हापां वय्कःयागु हे 'पद्म-निकुञ्ज' व 'हृदय-कुसुम'
कविता संग्रह ने.सं. १०५३ स प्रकाशित जुल । साहित्यिक व्यक्तित्वपिनिगु परि
चय पिकायेगुलिइ नं वय्कः चित्तधर 'हृदय' हे न्हाप लात ।

चित्तधर 'हृदय' गद्यगुरु निष्ठानन्द वज्राचार्य, कवि सिद्धिदास अमात्य,
प्रथम पत्रकार धर्म आदित्य धर्म्माचार्य, भक्तकवि मानलाल माँय्के, सरदार
हरिभक्त माथेमा, दारोगा बखतबहादुर, पण्डित पृथ्वीमानन्द वज्राचार्य व लेखक
रामजी प्रधानाङ्ग आदि स्वनिगःया साहित्यिक पूर्वपुरुषपिनिगु संक्षिप्त परिचय
बियाः म्हसीका बियादीगु खः ।

व्यक्तित्वपिनिगु परिचय न्त्यब्वयेगु नं थःथःगु रुचिया विषय खः, सकस्यां
याये न्त्याइगु ज्या ध्व मखु । ध्व माला, न्यना, ब्वनाः मस्वयेकं व मखंकं
कविता, बाखं व निबन्ध थें मनय् भाव लुयावयेवं च्वये धयां च्वये फइगु
मखु । मदन 'सेन' वज्राचार्य लोकमे मुनामि मानदास तुलाधर, बहुआयामिक
व्यक्तित्व प्रेमबहादुर कंसकार, लोकसाहित्यविद् करुणाकर वैद्य, लोकगायक
लोकरत्न तुलाधर व साहित्य व संस्कृतिया योसिं सत्यमोहन जोशीपिनिगु
जीवनीया सफू हे च्वयाबिज्यात । थथे हे धार्मिक व साहित्यिक व्यक्तित्वपिनिगु
परिचय संग्रह च्वयाबिज्याःपिं व दीपिं लेखक व सफूया नां थथे दुः—(१) भिक्षु
सुदर्शन महास्थविर -लुमकेबहपिं (ने.सं. १०९०), (२) पं. बद्रीरत्न वज्राचार्य -
प्रसिद्ध वज्राचार्यपिनिगु संक्षिप्त विवरण (प्रचलित नेपाललिपि, ने.सं. ११०९),
(३) फणीन्द्ररत्न वज्राचार्य -सफू पिकाःपिं वज्राचार्यपिं (ने.सं. १११३), (४) पूर्ण
ताम्राकार -साहित्यया लिच्वः (समालोचना च्वसु मुना, ने.सं. १११९) (५)
शान्तराज शाक्य -नेपाल भाषाया हनेबहपिं (च्वसु मुना, ने.सं. १११९), (६)

वद्रीलाल श्रेष्ठ - भिच्छम्ह भापासेवी (संक्षिप्त जीवनी, ने.सं. ११२२), (७)
 फणीन्द्ररत्न वज्राचार्य - म्हसीका धलः - (नेपालभाषा साहित्य ख्यलय् योगदान
 दुपिनिगु, ने.सं. ११२३), (८) अष्टमुनि गुभाजु - हनेबहपिं लुमका (ने.सं. ११२५) ।

शान्तराज शाक्यं 'नेपाल भाषाया हनेबहपिं' (ने.सं. १११९) च्वसु मुनाय्
 २४ नीप्यम्ह नेपालभाषाया च्वमिपिनिगु विषय् च्वयाबिज्याःगु खः । आः थ्व
 प्रस्तुत लिपागु सफुलिइ चित्तधर 'हृदय' निसें ज्यापु पञ्च तक २२ नीनिम्ह
 च्वमिपिनिगु संक्षिप्त परिचय बियातःगु दु । थुकी चित्तधर 'हृदय' ने.सं. १०२६
 याम्ह खःसा ज्यापु पञ्च ने.सं. १०७१ याम्ह खः । थुकथं ४५ दं दुनेयापिं
 नेपालभाषाया च्वमिपिं थुकी दुथ्याः । दुथ्याःपिं च्वमिपिं मध्यय् मोतिलक्ष्मी
 उपासिका छम्ह जक मिसा च्वमि खः । थुकी दुलाःपिं १७ म्ह च्वमिपिसं थ्व
 संसार त्वःता भाये धुंकल । न्याम्ह जक जीवित दनि । २२ म्ह लेखकपिं मध्यय्
 कान्छबुद्ध वज्राचार्य छम्ह कलानिर्देशक खः यद्यपि वसपोलं नं थःगु विषयय्
 लेख च्वयाबिज्याःगु दु ।

चित्तधर 'हृदय' न्हापांगु सफुलिइ व आःयागु सफुलिइ नं दुथ्याःम्ह लेखक
 खः । वय्कलं थःगु नां 'हृदय' तयाः 'सुगत-सौरभ' महाकाव्यय् थःत 'भी कवि'
 धयादिल, च्वसापासां साहित्य शिरोमणि उपाधि बिल, महाकाव्य व यक्व
 कविता च्वःगुलिं वय्कः महाकवि नं खत । थुगु सफुलिइ वय्कःयात
 कविकेशरी चित्तधर 'हृदय' धकाः न्त्यथनातःगु दु । थ्व कविकेशरी उपाधि
 कविजुजु श्री ५ महेन्द्रपाखें प्रदान जूगु खः, थथे जुजुया पाखें उपाधि कयातःपिं
 लेखकपिं नेपालय् कम हे जक दु ।

थ्व संग्रहय् प्रायः उपाधिधारी लेखकपिन्त हे ल्ययातःगु दु । च्वसापासां
 'भाषाजवाः' उपाधि प्रदान यानाः हनातःपिं विशिष्ट च्वमि भाजुपिनिगु नां थथे
 दु - ठाकुरलाल मानन्धर, रत्नध्वज जोशी, रमापतिराज शर्मा व नेपालभाषा
 परिषद् 'भाषाथुवाः' उपाधि लःल्हानातःपिं भिक्षु महानाम 'कोविद', पं. हेमराज
 शाक्य, ईश्वरानन्द श्रेष्ठाचार्य व भिक्षु सुदर्शन महास्थविरपिं खः । च्वसापासां
 धर्मरत्न 'यमि'यात कविरत्न व साहित्यया मूलखा, यलं रेवतीरमणानन्द श्रेष्ठ
 वैद्ययात भाषाज्योति उपाधि बियाः हनातःगु जुल । थुकथं थ्व म्हसीका पुचः
 सफुलिइ थी थी संस्थापाखें हनातःपिं च्वमि व्यक्तित्वपिं कःघानातःगु दु ।

साहित्य सृजना यायेगु नां, दां एवं मान दइगु छगू बांलाःगु ज्या खः ।
 बांबांलाक तःजिक च्वयाः भाषाया सेवायाःपिं च्वमितय्गु नां थःथम्ह जायावइगु
 खः करपिसं जायेकाविइगु मखु । तर थथे न्त्यथनेबहगु ज्या याःपिन्त सम्मान

यासे उपाधि व दाम्हिचा लःलहानाः सिरपाः बिइगु ज्या संघ संस्थां याइ । थ्वया अनिरिक्त साहित्य जगतय् च्वन्त्याःगु रचना याःपिनिगु कृतियात कयाः समालोचकतसें बय्बय् यानाबिइ । अले हानं जीवनकारतसें प्रसिद्ध लेखकपिनिगु बसानिसें सीबलय् तकया ज्याखँया बाखं कनेगु याइ ।

चित्तधर 'हृदय' निसें शान्तराज शाक्य तक लेखक व जीवनीकारतसें सफू च्वपू ब्वनाः वयाकें थ्वयाकें न्यनाः मदये धुंकुपिं व दनिपिं लेखकपिनिगु परिचय च्वयेगु ज्या यानावयाच्चंगु दु । थुकिं लेखकपिन्त म्हसीकेगु ज्या अःपुक जुयाच्वनी व उमिगु नां बय्बय् जक जुइगु मखु लिपा लिपा तक नं ल्यनाच्वनी । थुजागु भिज्या यानादीपिं बिज्याःपिं नं सुभाय्या थल खः ।

छम्ह लेखकया स्वभाव व मेम्ह लेखकया स्वभाव उत्थें जुइमखु, स्वयेगु मिखा व च्वयेगु ल्हाः पाःथें उपिं व्वलंगु लकस व उमिसं याःगु ज्याया धंगरंग व गुण नं पाइ । थन शान्तराज शाक्यं नीनिम्ह च्वमिपिं गुपिं ल्ययाबिज्यात उपिं सकलें वहे कितायापिं मखु, न त वहे छगू विधाय् च्वयेगु यानावयाच्चपिं खः । थुकी निगू पुस्ताया च्वमिपिं दुथ्याःगु खनेदु, पुस्ता अनुसार बिचार पाइगु ला जु हे जुल । यच्चि भोंत, भोजपुर व पोखरा, तानसेनय् नं नेपालभाषां च्वइपिं छुं इलय् लेखकत दुगु खः तथापि ई व संख्याया दृष्टिं स्वनिगःया लेखकपिं जक थुकी दुथ्याः । थुकी व मदु, थ्व मदु धाये म्वायेक सकल प्रकारयापिं लेखकपिं चाःलाकातःगु दु ।

थुकी महाकवि-कवि, कथाकार-उपन्यासकार, एकांकीकार-पूर्णांकीकार, निबन्धकार-व्याकरणकारनिसें कयाः कलाकार व कृषिकार तक नं दुथ्याः । शान्तराज शाक्यया थ्व निगूगु लेखक परिचय खः । हानं थुजागु वसपोलया दराजय् व नुगलय् गुलि दनि धायेमफु । वसपोलं नेपालभाषाया मेहालामि, मेच्वमि व लय्तमिपिनिगु बारे च्वयातःगु लेखत छगू सफूयात गाक्क दयेधुंकल जुइ । वसपोल नांयात ल्वयेक स्वये हे शान्त, तर ज्या धाःसा मदिक सुरुसुरु न्ह्याः । नेपालभाषाय् यंलाया वा थें छम्हाः च्वयेधुनेव दीपिं आपाः दु सिन्हाज्याया वा थें मदिक च्वइपिं म्हो हे जक दु । शान्तराज शाक्यया ल्हाः मदिसे न्ह्यानाच्चंगु दु, न्ह्याना हे च्वंगु दु, न्ह्याना तुं च्वनेमा थ्व हे मन्तुना दु ।

– फणीन्द्ररत्न वज्राचार्य

११२६ चिल्लागाः १०, शुक्रवार

च्वमि व पिकाकःया पाखें

छत्वाःचा



नेपालभाषाया महाकवि, कविकेशरी, भी कवि थी थी विभूषणं देय् विदेय् नांजाःम्ह नेपाःया ज्वःमदुम्ह चित्तधर 'हृदय' नेपालभाषाया जक मखु नेपाः देय्या हे छपु न्हाय् खः । वय्कलं नेपालभाषा व ध्वया साहित्यया नितिं थःगु छेंबुं व थः कूलयागु तक नं च्यूताः मकाःसे थःगु जीवनया दक्व ई नेपालभाषाय् पानाः भाल । नेपालभाषा साहित्यय् मनुनिगु थी थी विधा थःम्हं फक्व श्रृजना याना दिल । मेपिं सुनां छु छु विधा श्रृजना याये फइथें च्वं वयात धयां जिउला, हेकां जिउला, न्वाना जिउला, विन्तीभाउ याना जिउला सुयात छु गथे यायेमाल अथे यानाः सम्बन्धित मनुतय्त सम्बन्धित विधा थःगु मां भासं च्वयेत तिबः बियाचवना दी । नेपालभाषाया सफू, पत्रिका ब्वनेबलय् वय्कःया तिबलं नेपालभाषां च्वया धका च्वयातइपिं थाय्थासय् ध्वःधू ।

अज्याम्ह तःमनू (महापुरुष) चित्तधर 'हृदय' ध्व हे ने.सं. ११२६ बछलागाः ११ (वि.सं. २०६३ जेठ ९ गते) सच्छिदं पूवना सच्छि व छदं क्यनीगु न्हि खः । नेपालभाषाया शुभचिन्तकपिसं वय्कःया सच्छिदं बुन्हि तःजिक हनेमाः धयागु मनस्थिति घाना च्वंगु दु । थी थी पत्र-पत्रिकां तपंपौ (विशेषाङ्क) पिकायेगु घोषणा नं जुयाच्वंगु दु । नेपालभाषा परिषदं चित्तधर 'हृदय'या सच्छिदं बुन्हि समारोह समिति स्वनाः थी थी कवःपाखें थी थी ज्याभवःया ग्वसाः ग्वया तःगु दु । थये सुनां छु फु, फुम्हेसिनं फुगु यायेगु कुतलय् थःम्हं ने.सं. ११२५ बछलागाः ११ निसं दच्छियंक वय्कः सम्बन्धि भिनिपु च्वसु च्वया पिथनेगु पाः फयागु व पाः फयाकथं वय्कः सम्बन्धि भिनिपुं मयाक च्वसु च्वया गुलिं पिथने धुन, गुलिं पिहां वयेत थीक जुया च्वंगु दु ।

छन्हु आकाभाकां वय्कःया सच्छिदं बुन्हिया लसताय् मेगु हे छगु सफू पिकाये दःसा जिउ धयागु मतिइ वल । आः थयेंयात नेपालभाषाया थी थी व्यक्तितय्गु बारे इलय्ब्यलय् च्वया थी थी पत्रिकाय् पिकायातयागु व्यक्तित्व मुनाः पिकायेगु मतिइ वल । पिहां वयेधुकूगु च्वसुया धलः व पिहांमवःनिगु निपु

चवसुया धलः याना मुक्कं नीनिपु चवसुया धलः पासापिन्त क्यना । वयकःपिसं जिउ धका सल्लाह बियादिल । पासापिनिगु स्वीकृति वःगुलिं गुलि फत उलि याकनं सफू पिकायेगु कुतः जुल ।

ध्वयां न्यः 'नेपाल भाषाया हनेबहपिं' नामं छगू सफू पिकाये धुनागु जुया उगु सफुतिइ दुध्याये धुंकूपिं व्यक्तिपनिगु बारे ध्व सफुतिइ दुमध्याकूसे मेपिनिगु बारे जक दुध्याका च्वना । ध्व सफू चितधर 'हृदय'या सच्छिदं बुन्हिया लसताय पिहा वयेत्यंगु जुया वयकः सम्बन्धि छपु च्वसु नं दुध्याके माली धयागु पासापिनिगु सल्लाह वःगुलिं न्हापायागु सफुतिइ वयकःया बारे दुध्याये धुंकूसां थुकिइ नं वयकः सम्बन्धि छपु च्वसु दुध्याकागु जुल ।

ध्व सफुतिइ मुक्कं नीनिम्ह व्यक्तिपनिगु बारे च्वसु दुध्याना च्वंगु दु धयागु सफूया नामं हे सीदये धुंकल । नेपालभाषाया लागाय् मुक्कं थुलि हे जक च्वमिपिं मखु धयागु जगजाहेर हे खः । नेपालभाषाया थकालीपिं च्वमिपिं नापं च्वछायेबहःगु योगदान दुपिं गुलिख्यय् च्वमिपिं ध्व सफुतिइ दुध्यागु मनुनि । वयकःपिनिगु बारे च्वयेगु बिचाः यक्व दःसां आःयात इलय्ब्यलय् पत्र पत्रिकाय पिहावये धुंकूगु च्वसु जक मुंकाः हथासं पिकाये माःगु जुया गुलिख्यय् थकालीपिं व च्वछायेबहःपिं साहित्य महारथीपिनिगु बारे थन दुध्याके मफत । थुकियात मेकथं नालाः कयामदीत दुध्याके बहःजुया नं दुध्याके मफुपिं सम्बन्धित च्वमि भाजु, ययजुपिंके ध्व च्वमिं ल्हाःनिपा प्येपुकाः क्षमा पवना च्वना । ध्व च्वमिया कुतः थुलि जक मजूसे मेमेपिनिगु व्यक्तित्व च्वयेगु ज्या न्ह्याना हे च्वनी । संभव जुल धाःसा लिपा लिपा नं थज्यागु सफू पिकायेगु कुतः जुया हे च्वनी ।

ध्व सफू पिकायेगु ज्याय् नेपालभाषा व साहित्यप्रेमि जीतेन्द्रप्रसाद थिकेजुया तःधंगु ल्हाः दु । वयकलं नापलाक्वपतिं सफू पिकायेगु ज्या छु जुयाच्वन धका न्यना दी । अले थःम्हं फुगुचाःगु ग्वाहालि यायेगु बचं नं बिया च्वना दी । थः धाःसा ग्वाहालि यानाबिइ धाईपिं दःसां न्हयःने वनाः ग्वाहालि काःवने मसःम्ह जुयाच्वन । वयकलं छकःपतिं ग्वाहालि याये धया दीसां थः वयकःथाय् वनेमछाः । थःगु स्वभाव वयकलं सिया हे जुइ वयकः राजपत्राङ्कित द्वितीय श्रेणीया अधिकृतस्तरया कर्मचारी जूसां थः ज्या यायेगु क्वथाय् थ्यंक भायाः सफूया बारय् न्यं भाइगु जक मखु ध्यबा तक नं ब्यूभाल । वयकःया अज्यागु क्वमिलगु पहःखनाः थःयात मछिनाः नं वः । थथे ध्व सफू पिकायेगु ज्याय् वयकः जीतेन्द्रप्रसाद थिकेजुया तिबः जक मखु वयकलं मगाःमचाःगु आर्थिक ग्वाहालि

यानाः दीगुलिं वय्कःयात सुभाय् जक बियां अवश्य नं गाःगु खः हे मखु । अय्सां थ्व भूमिकां जक जूसां वय्कःयात सुभाय् बियाः थः लुदंका च्वना ।

थथे हे थ्व सफूया प्रेसकपी ब्वना छ्वाःया दुने भूमिका च्वया बियाः बिज्याम्ह नेपालभाषाया वरिष्ठ च्वमि नापं भिंतुनीमि (शुभचिन्तक) फणीन्द्ररत्न वज्राचार्ययात नं दुनुगलं निसें सुभाय् बियाच्वना । वय्कलं छ्वाःया दुने थ्व सफूया भूमिका च्वया बियाबिज्यागु जक मखु थ्व सफुतिइ दुध्यापिं दक्व च्वमिपिनिगु किपाः तक नं चूलाका जितः याउँका बिया बिज्यात । सफूया देबः लेमिनेशनयायेत माःगु आर्थिक ग्वाहालि चूलाका बिया बिज्याम्ह पद्मावती वचत तथा ऋण सहकारी लि.या नायः नेमवीर शाक्य, विक्रम शाक्य व सफू पिकायेत माःगु सल्लाह, सुभाब बिया दीम्ह किजा नरेन्द्र श्रेष्ठ नापं सफू थानाः प्रेसया ज्या याकनं सिधयेका दीम्ह प्रेसया साहु उमेश श्रेष्ठ, अजय बज्राचार्य व पासा कृष्णहरि डंगोल ह्यनः नापं सकसिंत सुभाय् बियाच्वना ।

च्वसुया बारय् थुकिइ च्वंगु नीनिपु च्वसु मध्ये 'सन्ध्या टाइम्स' न्हिपौ, 'नेपाल संस्कृति' लय्पौ, 'न्हू प्रेष्टिज नेपाः' लय्पौ, 'नेवाः पोष्ट' न्हिपतिइ पिहां वयेधुंकूगु खः । च्वसु च्वयेत नेपालभाषाया थी थी पत्र-पत्रिका व सम्बन्धित सफूया ग्वाहालि कयागु जुल । गनं मखुथे लाःवनाः च्वंसा च्वमिया असावधानी भाःपिया क्षमा याना दिसें न्वाना दी धयागु मनंतुना च्वना ।

— शान्तराज शाक्य

ग्वाथबहाः, नःत्वाः, यल,
नेपाल ।

ने.सं. ११२६ काःम्ह सलब्बाकीखुनुह ।

ધલ:-પૌ

ત્યા:	નાં:	પૌખ્યા:
૧.	ધિત્તધર 'હૃદય'	૧
૨.	મોતિલક્ષ્મી ઉપાસિકા	૪
૩.	ઠાકુરલાલ માનન્ધર	૭
૪.	ધર્મરત્ન 'યમિ'	૧૦
૫.	રત્નધ્વજ જોશી	૧૩
૬.	હેમલાલ જોશી	૧૫
૭.	ભિક્ષુ મહાનામ 'કોવિદ'	૧૭
૮.	કાન્છાવુદ્ધ વજ્રાચાર્ય	૨૦
૯.	ભૈરવગોપાલ વૈદ્ય	૨૨
૧૦.	પં. હેમરાજ શાક્ય	૨૫
૧૧.	વાસુપાસા	૨૭
૧૨.	ઇશ્વરાનન્દ શ્રેષ્ઠાચાર્ય	૨૯
૧૩.	પ્રો. આશારામ શાક્ય	૩૨
૧૪.	પરમાનન્દ વજ્રાચાર્ય	૩૪
૧૫.	તીર્થલાલ નઃઘઃભની	૩૭
૧૬.	રમાપતિરાજ શર્મા	૩૯
૧૭.	રેવતિરમણાનન્દ શ્રેષ્ઠ	૪૧
૧૮.	ભિક્ષુ સુદર્શન મહાસ્થવિર	૪૪
૧૯.	વિષ્ણુ 'અભ્યજ્ઞ'	૪૭
૨૦.	રોહિણીવહાદુર કાયસ્થ	૪૯
૨૧.	સુન્દર મધિકર્મિ	૫૧
૨૨.	જ્યાપુ પચ્ચ	૫૩

कविकेशरी चित्तधर “हृदय”

ब : ने.सं. १०२६ बछलागा: ११

मी : ने.सं. ११०२ तछलागा: ३



राणा प्रधानमन्त्रीपनिगु इलय् लुंयागु कल्लि न्ह्यायेगु छुट बिया तःपिं येँया न्हंयेया ‘धर साहु’ खलकय् ने.सं. १०२६ बछलागा: ११ शुक्रवा: खुन्हु साहु द्रव्यधर तुलाधर व ज्ञानलक्ष्मी तुलाधरया कोखं निम्हम्ह काय् जुया चित्तधर तुलाधरया जन्म जुल । चित्तधरया च्वय् दाजु छम्ह नं दु । दच्छि दयेका मन्त । अनं लिपा चित्तधरया वय् प्यम्ह केँपिं दु । उकिइ मोतिलक्ष्मी उपासिका तःधीम्ह क्येँ खः ।

थः अबुनापं गुंलां तुतः व्वनेत स्वयम्भुइ भाइबलय् न्हयदं च्यादं दुम्ह चित्तधर नं नापं वनीगु जुल । अन अबुपिंसं व्वनीगु तुतः मध्ये लक्ष्मी सुन्दनं च्वयातःगु ‘सधा शारदा छ’ व अमृतानन्द पण्डितं च्वयातःगु ‘देव’ मनुष्य दैत्य अनियाक’ धयागु नेपालभाषाया निपु तुतः चित्तधरया अति हे यः । बाहः पुजा थें ज्याःगु पुजाय् सस्कृत नापं नेपालभाषां छाइगु श्लोकयागु भ्वं लाना व्वनेगु उबलय् मस्तय् चलन कथं चित्तधरं नं अज्यागु श्लोक लाना व्वनेगु यात । हानं उखे पं. निष्ठानन्द वज्राचार्य नागरी आखलं ध्वाना पित हःगु ‘ललित विस्तर’ सफूया पौ नं थःथाय् छेंय् थ्यंगुलिं न्हिन्हिं व्वनेगु यात । थथे जुजुं चित्तधरयात गद्य व पद्यय् ध्यान वन । लिपा कवि शिरोमणि लेखनाथ पौड्यालया नेपाली भाषायागु रामायण, महाभारत व मेगु छगु निगु सफू व्वब्वं थःम्हं नं छुं छुं च्वय्मास्ते वल । योगवीर सिंहं मात्रा, छन्द मिलय्याना च्वयेगु स्यना विल ।

जगतमान वैद्यं ने.सं. १०४५ स्वांया पुन्हि खुन्हु नेपालभाषां ‘बुद्ध धर्म’ नांगु पत्रिका पिकया नेपालय् छवयाहल । खःथे मखुथे च्वयेगु याना दी धुकूम्ह चित्तधर तुलाधरयात ‘बुद्ध धर्म’ पत्रिका अगं:चा माला देगः लूथें जुल । चित्तधर तुलाधर व वैकुण्ठप्रसाद लाकौलपिंसं बौद्ध धर्मयागु थ्व ‘बुद्ध धर्म’ पत्रिकाय् नेपालभाषाया साहित्य दुध्याकेत इनाप याना पौ च्वया छवयादिल । वय्कःपनिगु इनाप कथं निगूगु दनिसें पत्रिकाया नां हे भचा पाका ‘बुद्ध धर्म’ व नेपालभाषा नामं साहित्य नं दुध्याका पिहांवल । थ्व पत्रिकाय् वय्कःया ‘बुद्धोपासक चित्रधर’ नामं ‘बुद्धोपासकया पापदेशना’ कविता ने.सं. १०४६ स पिहांवल । २० दँया वय्सं निसें वय्कःया साहित्य प्रकाशनया श्री गणेश थ्वहे पत्रिकायापाखे जुल ।

ने.सं. १०५३ स वनेज्याया भूवल्य कलकत्ताय भाःवल्य थःमं च्वयातःगु छुं कविता मुंका ज्वना भाल । छापय याये त्यंगु उगु कविता सफुतिइ थःगु पूर्वक नां तल कि सरकार ज्वनी धका 'हृदय' धका छदमनां तयाः छापय यानाः दिल । लिपा थ्व 'हृदय' छदमनां हे विनां कथं छयलादिल । वि.सं. १९८६ स पुस्तकालय चायेकत स्वीकृत कायेत्यंगु निवेदनय सही तल धका मेपिं नापं वय्कःयात नं कुन । वि.सं. १९८७ स ला, छ्ये नयेमखु धका आडम्बर पर्वय जुल धकाः नं ज्वना यंकल । वि.सं. १९८६ वैशाख ४ गते वय्कःया मां मन्त । मां मदया नुगः मछिना वय्कलं 'मां' नां तया च्वःगु कविता पिहां वल । उगु कविता स्वया राणा सरकार अर्थया अनर्थ जुइक अर्थ छ्याना वय्कःयात खुदया कैद यात ।

जेलय दुने वय्कलं जेलरं मखंक 'अन्तर ध्वनी' नापं 'सुगत सौरभ' महाकाव्य नं च्वयादिल । जेलय दुने वय्कलं सिद्धिचरण श्रेष्ठ, केदारमान 'व्यथित', धर्मरत्न 'यमि', हरिकृष्ण श्रेष्ठ थें ज्याःपिन्त नं नेपालभापां कविता च्वकल । वि.सं. २००२ सालय वय्कः जेलं मुक्त जुल । वि.सं. २००७ साल फागुन ७ गते प्रजातन्त्र वयेधुंकाः वय्कःया सक्रियताय वि.सं. २००७ फागुन २० गते नेपाल भापा परिपद नीस्वन । दैछि दयेका 'नेपाल' ऋतु-पौ पिहां वल । परिपदया ज्याकू मदुगुलिं वय्कलं थःगु छेंया मातं कोथा परिपदयात त्वःता विल । आर्थिक श्रोतया लागि थः पासापिं व स्याःन्याःपिनि पाखें धेवा मुंकाः दिल । नेपालभापा परिपदं छगू छगू याना नेपालभापाया सफू धमाधम पिकया हल । कन्या मन्दिर स्कूलय वय्कलं तलव मकाःसे नेपालभापा ब्वांकाः दिल । नेपालभापाया सफू पिकायेत नेपालभापा परिपदयाके धेवा मदुगुलिं वय्कलं थः कूलयागु वुं व थः मदय धुंकूम्ह तिरिमयजुया तिसा मिया वःगु धेवां भगवतीप्रसाद श्रेष्ठया 'नेपालभापा सामान्य ज्ञान' व फणीन्द्ररत्न वज्राचार्यया 'स्वां-सिन्हः' सफू पिकाल ।

ने.सं. १०९१ स केदारनाथ न्यौपाने मदया विचाः मुंज्याय न्ववाना च्वनादीम्ह चित्तधर 'हृदय' आकाभाकां वुलुहुं र्वःतूवन । अस्पतालयय यंकूबलय वय्कः पक्षाघात जूगु सिल । उवलय निसें गनं जुइ मफय्क जक मखु ल्हाः, तुति व विचाः नं बःमलाना वय्कलं न्हूगु साहित्य नं श्रृजना याये मफत । नेपालभापाया लागि थ्व तःधंगु वज्रपात खः । थः पिने वना न्हापा थें वयातं थ्वयातं च्वकेत हाः जुइ मफुसां थःगु छेंय वइपिं च्वयेफुपिं तर मच्चःपिं मनूतयत वय्कलं धया जिउला, हेकाः जिउला, मानय याना जिउला च्वकेगु याना दिल ।

वय्कः ५४ दै दुबलय वय्कःया तिरिमयजु ज्ञानप्रभा तुलाधर दमया ल्वचं मन्त । वय्कःपिनि सुं मचाखाचा मदु । वय्कः पक्षाघात जुइ धुंकाः तःधीम्ह

मोतिलक्ष्मी उपासिकां वय्कःयात माक्व सुसाकुसाः याना दिल । चित्तधर 'हृदय'या तिरिमयजु दनिबलय व मदये धुंकाः अभ् पक्षाघात जुइ धुंकाः तसकं थ्वद्वाये वहःजुइक मोतिलक्ष्मी उपासिकां दाजुयात माःगु तक सेवा यायेगुलिइ भ्याः भच्चा हे कमी यानामदी । थःगु भाय्या लागि तन, मन, धन जक मखु थःगु जिन्दगी हे पानाः भ्ताःम्ह चित्तधर 'हृदय' यात थपाय्सकं सेवा याइम्ह मोतिलक्ष्मी भीगु समाजय् दुगु धयाःगु भीगु गौरवया खँ खः ।

जन्मकाःछिं थः च्वना वःगु छें चित्तधर 'हृदय' ने.सं. १०९१ थिलागा १३ खुन्हु, नेपालभाषा परिषदयात च्वयाबिल । छेंय् दुगु लुंसियाः तःगु द्यो, पौभाः व थलबल आदि बहुमूल्य अचल सम्पत्ति ने.सं. १०९६ बछलागा ११ खुन्हु स्वयम्भू विकास मण्डलयात दान यात । वय्कःया भाषाप्रतिया योगदानयात कदर याना नं स १०७५ बछलागाः ११ खुन्हु च्वसापासां वय्कःया ५० दँ बुन्हि हन । थये ह पल्पसा साहित्य ख्यलं ने.सं १०९५ स वय्कःया ७० दँ क्यंगु बुन्हि हन । ने.स १०७६ स उबलय्या भी जुजु महेन्द्र वय्कःयात 'कविकेशरी' उपाधिं विभूषित याना जन्मकाःछिं भत्ता नं बिल ।

चित्तधर 'हृदय' गथे याःसा थःगु भाषा, व साहित्य तमि याये फइ धका चान्हि चिन्तन याइम्ह तःमनू (महापुरुष) खः । थज्यापिं मनूत धयापिं तसकं दुर्लभ जुइ । अथे दुर्लभपिं मध्ये छम्ह वय्कः खः । नेपालभाषां च्वयाः सुनां ब्वनी छम्ह निम्ह नेवाःतय्सं जक ब्वनी, तर अंग्रेजी, व नेपालीं च्वल धाःसा अप्वःसिनं ब्वनी धयागु मानसिकता घाना च्वम्ह गणेशमान सियात तक नं वय्कलं नेपालभाषाया महत्व बोध याकूगु खँ स्वयं गणेशमान सिंह च्वयादीगु दु ।

नेपालभाषाया तःगु विधाया सफू च्वया दीम्ह वय्कः दंसां चंसां नेवाः भाय् जक म्हंकाः जुइम्ह धात्थें हे भाषाप्रेमि खः । नेपालभाषां च्वया जेलय् लात, नेपालभाषा नापं स्वापू दुगु छगू ज्याभ्वलय् न्वचु बियाच्वच्चं पक्षाघात जुया जन्मकाःछिं व हे ल्वय् नापं मयः मयः प्यपुना च्वने माल । थथे हे ने.स. ११०२ तछलागाः ३ स बहनी थः परिषदया दुजःपिं नापं नेपालभाषा परिषद् व अनं पिहांवइगु 'नेपाल' पत्रिकाया बारय् खँ ल्हाना च्वनादीम्ह वय्कः आकाभाकां मन्त ।

मचा बलय् निसें चां न्हिं थःगु मां भाय्या जक चिन्तन मनन याना गबलें दिपाः काये मसःम्ह चित्तधर 'हृदय' ने.सं. ११०२ तछलागाः ३ स सदांया लागि दिपाः कयादिल ।



मोटिलक्ष्मी उपासिका

बू : ने.सं. १०२९ दिल्लीध्वः १२

सी : ने.सं. १११७ थिलाध्वः ५



नेपालभाषा साहित्य ख्यलय् चित्तधर 'हृदय'या थःगु हे कथंया म्हसिका दु । थौ तक वय्कः ज्वःम्ह भाषा सेवक पिलू वःगु मदुनि धाःसां जिउ । अथे हे नेपालभाषा साहित्य ख्यलय् वय्कःया थः हे केहे मय्जु मोतिलक्ष्मी उपासिका नं मय्जुपिं च्वमि मध्ये ज्वःमदुम्ह मय्जु च्वमि खः । मोतिलक्ष्मी उपासिकाया पूवंगु नां मोतिलक्ष्मी तुलाधर खः । वय्कः अबु द्रव्यधर तुलाधर, मां ज्ञानलक्ष्मीया कोखं ने.सं. १०२९ दिल्लीध्वः १२ कुन्हु येँ देया न्यत, तुंछेय् जन्म जुल । वय्कः स्वम्हम्ह सन्तान खः । वय्कःया च्वय् पन्नाधर (न्हापा हे मदुम्ह) व चित्तधर 'हृदय' निम्ह दाजुपिं दुसा वय्कःया स्वम्ह केहेपिं छसिकथं बेतीलक्ष्मी, न्हुछेलक्ष्मी (लिपा अनागारिका सुमना) व मणिलक्ष्मी (मचाबलय् हे मदुगु) दु । थौकन्हय् वय्कःपिं सुं हे मदये धुकल । बेतीलक्ष्मीया सन्तानया नामं म्ह्याय् छम्ह जक दु, म्हाय्म्हेसिया नां डा.केशरीलक्ष्मी मानन्धर खः ।

नेवाः समाजय् मस्त न्यादँ दतकि ग्वःआखः स्यनेगु परम्परा कथं वय्कः नं न्यादँ दयेका श्रीपञ्चमी खुन्हु निसें ससुमां छःया न्ह्योने तथा नमोवागीश्वरायः स्यनेगु ज्या जुल । वय्कःया अबुपिं नांदपिं ल्हासा साहुपिं जुया कूलघराना कथं मिसापित आखः ब्वंके मजिउ धयागु मदुगु जुया वय्कलं थः अबुयापाखें आखः ब्वनेगु सयेका दिल ।

वय्कः च्यादँ जक दुबलय् भिंछदँ दुम्ह मिजंमचायात पय्नं बिया व्छत । तर इहिपाः सफल जुइ मफत । १४ दँ जक दुबलय् पारपाचुके माल । पार पाचुके धुंकाः दाजुं आखलय् जोड बिडकल । नापं उबलय् चलन कथं पय्नं बिया व्छय् धुंकूम्ह मिसां पार काये धुंका थःगु नांया न्ह्योने सुश्री तये मदु । तर वय्कःया नांया न्ह्योने दाजु चित्तधर 'हृदय' हे सुश्री तयेके बिल । वय्कलं थः अबुया पाखें चाणक्य ब्वनादिल । लिपा सारस्वत व्याकरण व संस्कृति परिचय ब्वनेत छम्ह गुरु तथाः सयेका दिल । बालबोध व्याकरण, संस्कृत सोपान, ऋतुपाठम, रघुवंश व कुमार संभव नापं पाली भाषा नं सयेका दिल ।

दाजुं फातफुत रुपय् साहित्य सृजना याये धुंकाः वय्कःयात नं च्वयेत घ्वानादिल । दाजुया इनापं याना वय्कलं नं फातफुत च्वयेगु यानादिल । खला

नेपालभाषाया आधुनिक बाखं विधाय् दकसिबय् न्हापां चित्तधर 'हृदय' 'पौ' नांग् बाखं च्वयादिल धयागु धापू दु । तर 'पौ' बाखं स्वया न्हापां मोतिलक्ष्मी 'न' नांग् बाखं च्वया वि.सं. २००१ सालय् 'धर्मदूत' पत्रिकाय् पिथना दी धुंकुगु ज्याच्चन । वय्कःया दकसिबय् न्हापां पिहांवःगु रचना थ्व हे खः । लिपा बाखं, कविता व निबन्ध नं च्वयेगु यानादिल । नेपालभाषाय् जक मखु नेपाली भाषाय् न दकसिबय् न्हापां बाखं च्वया दीम्ह वय्कः हे खः । वि.सं. १९९२ स नेपाली भाषाया 'शारदा' साहित्यिक पत्रिकाय् वय्कःया दकसिबय् न्हापांगु 'रोदन' नांग् बाखं पिहां वगु जुयाच्चन । नेपाली भाषाया दकसिबय् न्हापांगु बाखं थ्व हे जुया वय्कःयात नेपाली भाषाया न्हापाम्ह बाखंमि कथं काः । थ्व बाखं धुंकाः वहे दैय् वहे पत्रिकाय् 'पुनर्विवाह' नांगु मेगु नेपालीभाषाया बाखं छपु नं पिहां वल । थ्व धुंका 'आखा' नांगु नेपाली निबन्ध नं वहे पत्रिकाय् पिहांवल ।

नेपालभाषाया चित्तपंक्षी (कविता), लं (बाखं), चिन्ता (कविता) नांगु स्वपु रचना भारतं पिहां वइगु हिन्दी भाषाया 'धर्मदूत' नांगु पत्रिकाय् छसिकथं वि.सं. २००० माघ, वि.सं. २००० चैत्र व वि.सं. २००१ ज्येष्ठय् पिहां वल । गणा इलय् सरकारया मिखा तःग्वः जुइगु भयं च्वये च्वंगु स्वपु साहित्यय् 'म लक्ष्मी' नामं पिहां वःगु खःसा थ्वया लिपां निसं मोतिलक्ष्मी उपासिका नामं पिहां वल ।

भारत पिहां वइगु हिन्दी भाषाया 'धर्मदूत' पत्रिकाय् नेपालभाषा नं छु पंज थाय् बिइकेत मानदास तुलाधर व चित्तधर 'हृदय'पिनि कुतलं व पत्रिकाय् नेपालभाषा साहित्य दुथ्याका हल । अले व पत्रिकायात लेख च्छयेत थीथी मनूतय्त च्वकेगु व च्वसु च्छयेगु ज्या वय्कलं यानादिल । लिपा कालिम्पोङ्ग नेपालभाषा 'धर्मोदय' लय्पौ पिहांवये धुंकाः उकिइ नं वय्कलं थःगु लेख च्छयादिल । थुबलय् वय्कःया बाखं, कविता स्वया नं निबन्ध च्वयेगु पाखे ल्हाः न्यात । थुकथं वय्कलं कविता, बाखं स्वयाः नं तःपु मछि हे निबन्ध च्वया दिल । वय्कःया मू विषय धयागु निबन्ध जूगुलिं निबन्ध सफू स्वंगू पिहां वःगु दु । वय्कःया थीथी इलय् पिहां वःगु सफू छसिकथं थथे दु— मोतिमाः (निबन्ध), संघ (प्रबन्ध), चखुचिया सबय् (कविता), मोति बाखं पुचः, उत्पलवर्णा (जातक बाखं), धौबजि (निबन्ध) ।

वय्कलं थः दाजु चित्तधर 'हृदय' च्वयातःगु नेपालभाषाया दकसिबय् न्हापांगु महाकाव्य 'सुगत सौरभ' या निगूगु संस्करण पिकया दिल । थथे हे 'नेपाल' ऋतुपौ सञ्चालन यायेत १ लख तकाया अक्षयकोष नीस्वना दिल । नेपालभाषा परिषद्या ज्याया लागि नीच्यादः तका नं मुद्दिइ तया विल । थ्व निथी दां थःपिनिगु वुं मियाः वःगु ध्यबां ग्वाहालि यानादीगु खः ।

वय्कः नेपालभाषा परिपद् नीस्वसां निसं जीवनया अन्तिम इलय तक नं दांभरि ज्या ज्वना दिल । वय्कलं थःम्हं साहित्य सृजना यायेगु नापं मिजंतय्सं याइगु दक्व ज्या याना वयाच्चंगु जक मखु दाजु चित्तधर 'हृदय' आचकलिं गाये धुंकाः छेंया दक्व ज्या थःम्हं हे स्वयेगु नापं दाजुयात नके, त्वंके, पुंके व म्वःल्हुकेगु थें ज्याःगु आदि ज्या मामं थः मचायात याइ थें थःम्हं हे याना दिल । उकिं वय्कःया बारे दाजु चित्तधर 'हृदय' थये च्वयादिल- 'मोति जि केहे जूसां जितः किजापुजा याना तःम्हं जूगुलिं थ्व जि केहे मखु तता हे खः । तता धयाम्ह मां थें खः । याकेगुं मयाकेगुं सेवा मामं थः मचायात याइ थें सेवा याके वियाच्चना । उकिं थ्व जितः मां थें खः ।'

वय्कःया साहित्य सेवायात कदर यासें प्रतिभा साहित्यिक परिवारं वय्कःया ८० दं बुन्हिया लसताय् ने.सं १९०८ स अभिनन्दन यात । थये हे साहित्यिक पत्रकार संघं नेपाली साहित्यया बृद्धिया निंतिं च्वछाय् बहःगु ज्याया निंतिं वि.सं. २०४९ असार १९ गते लोकप्रिया पुरस्कार व वि.सं. २०४९ माघ ९ गते नेपाल नारी साहित्य सेवा केन्द्रं अभिनन्दन यात ।

वय्कलं थःगु भाषा, साहित्य, धर्म व भाषाह्यःम्हं दाजुया निंतिं जीवन पानाः भाल । नेपाली भाषाय् सुनानं बाखं मच्चःनिबलय् वय्कलं हे दकसिबय् न्हापां नेपाली भाषां वाखं च्वयादिल । थुकथं मोतिलक्ष्मी उपासिका नेपालभाषाया जक च्वमि मजुसे नेपाली भाषाया नं न्हापांम्ह वाखंमि (कथाकार) जुयादिल । थौं वय्कः भूगु न्ह्यःने मदय् धुंकल । आः भूगु न्ह्यःने वय्कःया योगदान जक ल्यं दनि । वय्कः ८८ दँया उमेरय् वीर अस्पतालयय् मन्त ।



भाषाजवा: ठाकुरलाल मानन्धर

५ : ने.स. १०३२ अंलाख २
गी : ने.सं. ११११ दिल्लीख: ३



ठाकुरलाल मानन्धर अबु रत्नलाल मानन्धर व मां जगतमाया मानन्धरया
गाख ने.स. १०३२ अंलाख २ खुन्हु वतु त्वाल्य बुल । लिपा गणबहालय
यनादिल । ठाकुरलाल मानन्धर मचावल्य निसें ब्वनेगुलिइ न्ह्य:ने ला: ।
वयक: २३ दँ दुबल्य लक्ष्मीदेवी मानन्धर नापं इहिपा जुल ।

वि.सं. १९८८ सालं निसें संगतदुम्ह चित्तधर 'हृदय'या तिवलं वयक:या
दकसिवय न्हापांगु च्वसु ने.सं. १०६७ स 'धर्मोदय' ल्यपौया न्हापांगु अङ्ग्य
'आदर्श प्रेम व मैत्री भावना' निवन्धया रुपय् पिहां वल । थ्व नेपालभाषाया
अन्य दकसिवय न्हापां पिहांव:गु निवन्ध कथं कया: त:गु दु । वयक:या दक्व
धयाथे च्वसु नेवा:तय्सं मसिइ, मसये धुकूगु, धू, ख्वप: धुलं गया:, माखाणिखा
भुना मेगु हे रुप थे च्वना च्वने धुकूगु नेवा:तय्गु मौलिक संस्कृति, सभ्यता
भालु प्वले थे प्वला: क्यनेगु वयक:या च्वसुया छतावेस (विशेषता) ख: धयागु
वयक:या च्वसु छपु निपु व्वनेवल्य सीदु । दसि वीमा:सा 'भाजु' खँव:या पूर्वरुप
धियात:गु स्वया दिसं— भद्रलोक—भल्लोक—भाल्लोक—भल्लो—भाल्लो—भालोजु—
भारोजु—भार्जु—भाज्जु—भाजु । मेगु 'मरु' खँव:या पूर्वरुप स्वया दिसं— माण्डु—
मण्डु—मदु—मरु । नेवा:तय्गु लुप्त प्राय: जुइ धुकूगु ज्ञानया कारणं वयकलं
हलिया नाजा:गु विश्वविद्यालय मध्ये लण्डन विश्वविद्यालयय् छुं ई व्वंका
दिल । नेवा:तय्गु दर्शन व भाषाविज्ञानया ज्ञाता जूगु हुनिं हलिया नाजा:पिं डा.
बाक (जर्मन), नेपालभाषाया कोषकार डा. हायन्स जार्गेन्स (डेनमार्क), नेवा:
पुलां म्ये अंग्रेजी भाषां अनुवाद याना: 'गीतीमञ्जरी' (Songs of Nepal)
पिका:म्ह स्वीडेनयाम्ह डा. लियन हार्ड, नेपालभाषाया व्याकरणय् शोध या:म्ह
जर्मनयाम्ह डा. उलरिके कोलबर नापं स्वापू दु ।

थ्व भवल्य वयकलं सम्पादन याना अगम कला प्रकाशन दिल्लीया
प्रकाशनं नेपालभाषा-अंग्रेजी भाषाया 'Newari-English Dictionary, Modern
Language of Kathmandu Valley' नांगु गुद्र: खँव: दुगु खँव: धुकू सम्पादन
याना: पिकया दिल । थथे हे नेपाल राजकीय प्रज्ञा प्रतिष्ठान ने.सं. १०९४ स
पिहांव:गु 'पर्यायवाची शब्दकोष' (नेपा:या थी थी भाषाया खँव: दुगु) उगु

कोपय नेपालभाषाया खंग्वः वय्कःया पाखे दुथ्याःगु खः । ने.सं. १०७२ स 'पुलांग म्ये' व ने.सं. ११०४ स थःगु २१ पु च्वसु मुंकाः 'भाजु निबन्ध' पिथना दिल । 'Contatogue of Newari Manuscripts' सह-संकलकया रूपय् व चित्तधर 'हृदय'या 'नेपाल संगीत' सफू अंग्रेजी भाषां अनुवाद यानाः पिहांवःगु दु ।

वय्कः व सिद्धिचरण श्रेष्ठ दरवार हाईस्कूलय् आखः ब्वंवनीबलय् उगु स्कूल नापं वासः पसलय् वासः निना च्वनीम्ह सिद्धिदास महाजुथाय् वय्कःपिं थ्यं । वय्कःया आखः बांलाःगु नापं संस्कृत नं वःगुलिं सिद्धिदास महाजुं वय्कःयात च्वछाः । सिद्धिदास महाजु नापं खँल्हाबल्हाः याःसां वय्कलं कविता च्वयेगु धाःसा पासा सिद्धिचरण श्रेष्ठयाके तिनि सयेका काल । वय्कलं 'भाजु शब्दया महत्त्व' च्वसु च्वये माःगु कारण उबलय् भीथाय् वःपिं भारतीय नागरिकतय्सं भी नेपालीतय्त भचा क्वथ्यानाः हेला याये कथं व्यवहार याःगुलिं हे थ्व च्वसु च्वयादीगु खँ 'भाजु निबन्ध' सफूया भूमिकाय् च्वयादीगु दु । वय्कःया थ्व च्वसु लुइखाःगुलिं थ्व सफूया नां हे 'भाजु निबन्ध' तया दिल ।

निबन्ध, कोष व कविता वय्कःया च्वः (लेखन) विधा खः । ने.सं. १०६७ निसं च्वज्या न्ह्याःगु खने दु कथं वय्कया 'थहुं', 'प्रेम', 'मुमुक्षुया मे' स्वपु कविता ने.सं. १०६९ स 'धर्मोदय' लय्पतिइ पिहां वःगु व ने.सं. १०६७ निसं ने.सं. १११० तक नेपालभाषाया मुक्कं २८ पु निबन्ध पिहां वःगु दु । थुकथं वय्कःया च्वई (लेखन काल) ने.सं. १०६७ निसं ने.सं. १११० तक जुल । वय्कः नेपालभाषा परिषदया संस्थापक मध्ये छम्ह, थ्व हे परिषदया सचिव, 'नेपाल' ऋतुपौया सम्पादक मध्ये छम्ह नं खः । थथे हे गोरखा भाषाया साहित्यिक पत्रिका व जागरण साप्ताहिक पत्रिकाया सम्पादकीय विभागय् नं ज्या याना दिल ।

वय्कःयागु योगदानयात कदर याना च्वसापासां ने.सं. १०८३ स 'भाषाजवाः' पदं हंगु दु । 'जः' दँपौ ल्याः ६ स वय्कःयागु अन्तर्वार्ता छगू पिहां वःगु दु । उकिइ '... नेपालभाषाया प्रकृति छु छु थें दसु नापं ध्वाध्वीक कना दीला ?' धका न्यंगु न्हयसःया लिसः थुकथं बिया दिल, 'The cow is a Fourfooted animal. धका अंग्रेजीं धाःसा भीगु भाषाय् 'सा पेपा तुति दुम्ह जनावर खः' धायेबलय् भीसं अमीगु कथं भाय् हीकागु जुल । भीगु हे पहः नं धायेगु जूसा थुकथं (तुती प्रमुखता बी माः) साया तुती पेपा दु । ('सा'य् प्रमुखता बीगु जूसा) 'सा' धयाम्ह पेपा तुति दुम्ह खः' धका धायेत सुनां मखु धाःगु दु ? He bought a book for me. या 'वं जिगु लागि सफू न्यात' धाय्बलय् भीगु भाषा वां मलाः 'वं जितः सफू छगु न्याना बिल' धाःसा भीगु भाषाया पह वल । You and I

have come here या 'छ व जि थन वया' धाय्बलय् भीगु पहः त्वःफित 'छ व जि थ' धका धायेमाः । ... थन ध्व निगू प्यंगू जक दसु क्यना बिया । आपालं बाने । A book was bought for Ram या 'रामया लागि सफू न्यात' धायेबलय् बामलाः 'रामयात धका सफू छगू न्यात' धाय्बलय् तिनि भीगु पहः वल । इत्यादि ।'

शाकाहारी जीवन हना दीम्ह वय्कः शिव भक्ती खः । भारतं नेपाः वयाच्चम्ह गिबपूरी बाबाया सत्तिम्ह चेला नं खः । जीवनया उत्तरार्द्धय् दम ल्वय् दःसां ७९ ईया उमेरय् ब्रेन क्यामरिज जुया वीर अस्पतालयय् मन्त । वय्कः मदय् धुंकाः ने.सं. १९९२ स 'नेपाल' ऋतुपतिं वय्कः सम्बन्धित छगू तपपौ पिकाःगु दु ।

वय्कः मदय् धुंकाः नेपालभाषाया निबन्ध च्वमिपित बिइगु याना वय्कःया काय भाजु गिरिधरलाल मानन्धरं ने.सं. १९९३ निसं वय्कःया नामं 'ठाकुरलाल मिरपा' घोषणा याना थौतक नं दैय्दसं बियावयाच्चंगु दु ।



कविरत्न धर्मरत्न “यमि”

वू : ने.सं. १०३५ गुंलाख्वः ८

सी : ने.सं. १०९५



धर्मरत्न ‘यमि’ ने.सं. १०३५ गुंलाख्व ८ स असं, कमलाछि त्वालय् जन्म जुल । वय्कःया अबुया नां भवानीरत्न तुलाधर व मां देवीमाया तुलाधर खः । वय्कः चित्तधर ‘हृदय’या पाजु मानदास तुलाधरया काय्चा खः । धर्मरत्न ‘यमि’या जातः च्वकःबबलय् ज्योतिषं थ्व मचा राजयोग दुम्ह मचा खः धयाहल । उकिं वय्कःयात मचाबलय् ‘जुजुवर’ व ‘जुजु’ धका नं धायेगु याः ।

धर्मरत्न तुलाधर लिपा धर्मरत्न ‘यमि’ जूवन । वय्कलं ‘यमि’ च्वःगु छगू कारण दुगु जुयाच्चन । यलय् च्वम्ह धर्मरत्न शाक्य व वय्कः धर्मरत्न तुलाधर दुथाय् सुनानं ‘धर्मरत्न’ धका सःतल कि थःयात सःतूगु धका निम्ह दंवने माःगु घटना छकःपतिं जुइ धुंकूगुलिं छन्हु निम्हेसिया सल्लाह याना धर्मरत्न तुलाधर ‘यमि’ च्वयेगु, यलय् च्वम्ह धर्मरत्न शाक्यं ‘त्रिशुली’ च्वयेगु क्वःछयूगु जुयाच्चन । उबलय् निसैं वय्कलं ‘यमि’ धका च्वयेगु याना दिल । बाज्या रत्नदासया इलय् धर्मरत्न यमिपिं नां जाःपिं साहु जुयाच्चन । तर उबलय् चन्द्र शम्शेरया पडयन्त्रय् लाना वय्कःपिनि चल सम्पत्ति जक गुमय् जूगु मजूसे अचल सम्पत्ति नं दक्वं मन्त । अज्यागु घटना जुया दीछि दयेका रत्नदास मन्त । वय्कःया काय् भवानीरत्न नं नेपालय् च्वने मफया ल्हासाय् वन । धर्मरत्न ‘यमि’या पालय् वय्कःपिनि छेंया अवस्था तसकं दयनीय जुल । उकिं वय्कलं स्कूलय् पलाः तक नं तये मखं । गुलि नं आखः ब्वनेगु व सयेके सीकेगु दक्व थःम्हं जानं थुइ धुंका थःगु हे कुतलं जुल । थथे आखः ब्वनेगु इलय् नं वय्कलं लुंकाःमिया ज्यासलय् भौ पुइगु ज्या व लिपा कापःया लाकां सुइगु ज्या याना दिल । १७ दं दये धुंकाः थन मच्चंसे थःम्हं कमाय् याना तःगु ध्यवां थः अबु च्वनाच्वंगु ल्हासा देशय् वन । थुबलय् अन महापण्डित राहुल सांकृत्यायन नाप लाःगुलिं वयापाखें यक्व सयेके, सीके यात । थुबलय् नेपाः देशय् थः मां सीगु वुखं वल । थ्व वुखं न्यना अन च्वनाच्वम्ह अबु भवानीरत्न थःथःम्हं थःगु नुगःफातय् तुपतं कयेका आत्महत्या यात । थ्व घटनां विरक्त जुया धर्मरत्न ‘यमि’ नेपाः लिहां भाल । वय्कः मचाबलय् निसैं हे बिस्कं स्वभावयाम्ह खः । लिपा त्याय्म्ह जुइ धुंकाः नं न्हापाया स्वभाव कथं रुढिवादया विरोध यायेगु,

समाज सेवा, क्रान्तिकारी, राजनैतिक नापं परम्परागत संस्कार परिवर्तन
गायन भावना उर्लित हे जुयाच्चन ।

नामा लिहा भाये धुंका भोताहितिइ छगू साबुं पसः तल । राणा ईया थ्व
पमनय राजनैतिक चेतना दुपिं शहीद गंगालाल श्रेष्ठ, गणेशमान सिंह, प्रेमबहादुर
कमा थं ज्याःपिं ल्याय्महत गफ याःवइगु थाय् नं खः । अन भारतया बुखं पौ
वयाच्चनी व दने सुलासुलाः बुखं पौ स्वयेगु व खबर आदान प्रदान यायेगु थाय्
नाग थ्वगू खः । वि.सं. १९९७ सालय मेपिनापं वय्कःयात नं ज्वना १८ दै
कागवास नापं सर्वस्वहरण यात । वि.सं. १९९७ सालय वय्कः नापं चित्तधर
'हुदय', सिद्धिचरण श्रेष्ठ, केदारमान 'व्यथित' व मेमेपिं नं छगू हे थासय् कुनाः
न गलि धर्मरत्न 'यमि'या कविपिं नापं संगत जूवन । धर्मरत्न 'यमि'या चित्तधर
'हुदय'या पाखें व हे जेलय् तिनि नेपालभाषा प्रति चेतना दत । थथे हे
सिद्धिचरण श्रेष्ठ वय्कःयात शास्त्रीय छन्द कविता च्वयेगु स्यनाबिल । जेलय्
थ्वथ्व वय्कलं नेपालभाषा 'अर्हतनन्द' महाकाव्य, 'विश्वन्तरया मचात दान'
खण्डकाव्य च्वयादिल । लिपा स्वकःगु पटकय् ज्वना यंकूबलय् 'न्वाखं पुचल'
नागू बहवाधंगु सफू छगू च्वयादिल । 'बुद्ध मानिस हुन्' नागू नेपाली भाषां
सफू जेलय् दुने हे च्वयादीगु दु । थ्व बाहेक 'सदिया लिसः' खण्डकाव्य,
'मिथु', 'भुकुटी' व 'आडल्हामो' स्वंगू उपन्यास पिहां वःगु दु । 'आडल्हामो' छगू
पञ्चायती सरकार जफत यात । प्रजातन्त्र वये धुंकाः मेगु संस्करण पिहां
वन । 'महास्थविर धम्मालोक भन्ते' नागू जीवनी सफू छगू नं पिहां वःगु दु ।
'भुकुटी' उपन्यासयात ने.सं. १०७९ स 'श्रेष्ठ सिरपा' प्राप्त जुल । 'नेपालको
कग' नागू सफू छगू नं पिहां वःगु दु । सरुभक्तं सम्पादन याना पिहांवःगु
'सिद्धिचरणका जेल संस्मरण' सफुतिइ छथाय् '.... आफ्नो पिताको आत्महत्याले
धनीहरुले गर्ने गरीवहरुको कटु आलोचना थियो ।... यसमा जम्मा गरेका
विरोधी भावनाहरु देख्दै आश्चर्य लाग्यो ।' धका च्वया तःगु दु । कालिम्पोङ्ग
छापय जूगु थ्व सफू नेपालय् छगू निगू सिबय् मवः जुइ मेगु दक्क अन हे सुनानं
व्ययेका बिल जुइ धका सिद्धिचरण श्रेष्ठ अनुमान याना दीगु दु ।

धर्मरत्न 'यमि' साहित्यिक मनू स्वयां नं राणा विरोधी व सामाजिक सुधार
बादी मनू खः । राजनीतिइ जुया खिचां मस्यूगु दुःख सिल । निहं निकः ल्हाःमहुतु
चूलाके मफया न्ह्याय्कं केँ खुना तक नं नयेमाल । मचा बूम्ह कलाः हिरादेवी
ला छकू तक नं न्यायेमफयाः नाय् पसलय् वाञ्छयेत तया तःगु ला खिचायात
नकेत धका त्वहः तया व हे ला दायेका नयेमाःगु अवस्था वय्कःया म्हाय् कयो
यमिं च्वयाःतःगु दु ।

नास्तिक व विद्रोही स्वभावं राजनीतिइ जुया च्वंम्ह धर्मरत्न 'यमि' याके
पयनं वने मते धायेक धायेक नं सम्पन्न परिवारया म्हायामचा हिरादेवी

वय्कःयाके पयनं वंगुलिं हिरादेवीयात अबुं थःछेंय् दुमकाल । धर्मरत्न 'यमि'या छेंय् आग थें ज्याःगु पुजाकुथि जक मदुगु मखु थः म्थ्याय्पिन्त इहि, वाह्नाः तयेगु व काय्यात कय्तापुजा तकं मयाः । व्याहाबलय् तःजिक भव्य न्यायेकेगु, वाजं तयेगु थें ज्याःगु दक्क ज्याया विरोधी खः । वय्कलं खा लहीगु जक मखु फा लहीगु तक यानाक्यन । उबलय् मुस्मां थिल कि ल्हाः सिलेमाःगु इलय् नं थितिकुतिपिं मनूतय्त क्यने थें थःगु पसः नापं साबुं पसः तयाच्चंम्ह मुस्मांयाके लः थल कयाः लः त्वना क्यनेगु यात ।

लिपा वय्कः जिया वये धुंकाः छेंय् जा थुइगु व छेंज्या दक्क यायेत हाकुचा धाःम्ह पोहीं छम्ह व मचाम्ह धाःम्ह ज्यापु छम्ह नं तयातल । इमिसं थुइगु जा थःपिसं नयेगु जक मयाःसे पिनें वइपिन्त इमिसं हे च्या बिइ यंकीगु जुयाच्चन । अज्यागु स्वभाव उबलय्या समाजयात पचय् मजू । उराय् समाजं वय्कःयात बहिष्कार यायेगु कृतः यात । तर मफु । वय्कःया स्वभाव व बिचाः मथूपिसं ल्यूने ल्यूनें वैं धका नं धायेगु यात । वि.सं. २००८ सालय् खाद्य उप-मन्त्री व मन्त्री यानाः निकः मन्त्री जुयादिल । वि.सं. २०१९ सालय् मनोनित सदस्य नं जुयादिल । 'धर्मरत्न यमि' मन्त्री जुइ धुंका 'धर्मरत्न मन्त्री' नामं वय्बय् जुल । 'यमि' न्हापां निसें दुःखसिया वयाच्चंगु खँ न्यना जुजु त्रिभुवनं वय्कःयात ४२ ठूः वंगु छें न्यायेत छगू लाख दां ग्वाहालि बिल । वय्कःपिनि खुम्ह म्थ्याय् व छम्ह काय् दु । दक्क मस्त छम्ह स्वया छम्ह जाः । मस्त उलि जायेफुगु हे वय्कःया तिरिमय्जु हिरादेवीया देन धका सकसिनं धाः । वय्कःया प्यम्ह मस्तय् नां नेवाः भासं हे छुना तःगु दु । गथे कि कयो यमि, तिमिला यमि, चिरिकः शोभा यमि व हिसिला यमि । यमिया दक्क मस्तय्सं थरया थासय् 'यमि' हे धका बौया न्हाय् ब्वया तःगु दु । दुःख नापं संघर्ष याना वयाच्चंम्ह हिरादेवी वि.सं. २०२५ सालय् मन्त । वय्कः मदय् धुंका 'यमि'या सावित्री दाहाल नापं निब्याहा जुल ।

भारतं पिहां वइगु 'धर्मोदय' व 'धर्मदूत' पत्रिकाय् नं वय्कःया नेपालभाषाया च्वसु पिहां वः । जीवनया उत्तरार्द्ध पाखे छभाः च्वयेगु भचा म्हो जूवसां अन्तपाखे हानं च्वयेगु न्थ्याका दीगु खनेदु । नेपालभाषाया सेवा याःगु वापत च्वसापासां वय्कःयात ने.सं. १०९५ बछला २ खुन्हु 'कविरत्न' उपाधिं सम्मान यात । चीन, वर्मा व भारत चाःहिला दी धुंकूम्ह वय्कः नेपालभाषा जक मखु नेपाली, हिन्दी, तिब्बती, अंग्रेजी व तामाङ्ग भाय् नं सः । जन्मकाःछिं जनतां सुख सीकेगु आज्जु ज्वना विद्रोहया सः थ्वयेका दीम्ह धर्मरत्न 'यमि' ६० दंया उमेरय् वीर अस्पतालयय् मन्त ।



भाषाजवा: रत्नध्वज जोशी

१ न म १०३६ श्रावण शुक्ल १
११ न म ११०९ दिल्हाख: ४



भाषाजवा यलय ने.सं. १०३६ श्रावण शुक्ल १ खुन्हु बूम्ह रत्नध्वज जोशी भागलम बगलामुखी भागियाना छैय् थ्यका: न्हिथं छपु निपु नेपालभाषां छन्द कौशला च्वयादी । २८ दं दुगु इलय् वय्कलं थःगु मां भाषा व साहित्यया लागि थःगु भाषा छु यायेमा: धयागु चायेका दिल । वय्कःया पासापिं जाना: नेपालभाषाया पाषाका पिकायेगु पाखे विचा: यानादिल । वय्कःया नेतृत्वय् भैरवगोपाल वैद्यया भाषाजवाय् वय्कपिसं ने.सं. १०६४ बछलां ल्हातंच्वया 'नेपाल' नामं नेपालभाषाया पाषाका पिकया दिल ।

वय्कःयात कलिम्पोङ्ग पिहांवइगु 'धर्मोदय' पत्रिकाय् ज्या यायेत सता:हयेवं च्वमापासा जक त्वःता भा:गु मजुसे थ: बुरिम्ह मां, केहे व नया: च्वंगु स्थायी जागिर हे त्वःता 'धर्मोदय' पत्रिकाय् ज्या यायेत उखे भाल । स्थायी जागिर हे त्वःता थःगु भास पिहांवइगु पत्रिकाय् ज्यायायेत विदेशय् थ्यक: भा:गु खं वय्कःयाके थःगु भाषा, साहित्यया गुलि माया, मोह दु धयागु वयं । 'धर्मोदय'या ज्या: ११-२४ तक (ने.सं. १०६८-१०६९) तक वय्कलं अन्तरङ्ग सम्पादक कथं ज्या यानादिल ।

रत्नध्वज जोशीया दकसिबय् न्हापां पिहां वःगु च्वसु हस्तलिखीत पत्रिका 'नेपाल'य् पिहा वःगु 'इच्छा' नांगु कविता 'धर्मोदय'या न्हापांगु ल्याखय् दकसिबय् नम्यःने छापय् यानाहल । वय्कःया कविता उगु 'नेपाल' पत्रिकाय् ९ पु पिहांवःगु दु । वय्कलं छपुयां छपु 'विजय' नांगु बाखं च्वया दिल । साहित्य सम्बन्धि निबन्ध तःपु हे च्वयादीगु दु ।

'धर्मोदय'स 'भाषाया सिना-ज्या' च्वसु पिहां वल । उकिइ थःगु भास च्वइपित सिरपाया व्यवस्थायाना प्रोत्साहित यायेमा:गु खं च्वयातःगु ज्याच्वन । थः भा: दानवीर स्वयम्भूलाल श्रेष्ठयात वय्कःया पासापिसं नेपालभाषां छगू सिरपा तयेत सल्लाह बिया च्वंगु व उखे रत्नध्वज जोशीजुया भाषाया सिना-ज्या च्वसुइ अज्यागु हे खं च्वयातःगु ध्वःधूगुलिं स्वयम्भूलाल श्रेष्ठ 'श्रेष्ठ सिरपा' घोषणा यायेत तःधंगु तिब: जुल ।

रत्नध्वज जोशी नेपालभाषाय् जक मखु नेपाली भाषाय् नं उलि हे नांजा: । अप्व: शिक्षा हासिल याना मतःसे 'चार पास' जूसां वय्कःया साहित्यिक

विद्वता च्वन्त्याः । हिन्दी भाषाया 'विश्वकी सर्वोत्कृष्ट कहानिया' सफू व्वना वय्कलं विश्व साहित्यया वारय् सय्कासीका दीगु जुयाच्वन । वय्कःया थ्व यःगु सफू खः । उकिं हे वय्कलं थः काय्पित थः सिइ धुंकाः नं उगु सफू छगू सुरक्षित याना तयेत धयादिल । वय्कलं मुनाः तयादीगु नेपालभाषाया सफू तिसिमातंचाय् च्वंगु साटोओकी स्मृति भवनय् छगः दराजय् रत्नध्वज जोशीपाखें प्राप्त जूगु धका च्वया तःगु दु ।

वय्कलं गुठी तहसिल कार्यालयय् 'नौसिन्दा' पदय् जागिर नयाःदिल । त्रि-पदम विद्याश्रम व पाटन संयुक्त क्याम्पस जक व्वंकाः दीगु मजूसे नेपालभाषाया एम.ए.कक्षाय् नं व्वंकाःदिल । वय्कलं मदुम्ह जुजुया तःकेहेंपिन्त नेपाली भाषा स्यनादिल । नेपाल राजकीय प्रज्ञा प्रतिष्ठानया सह-सदस्य नं जुयादिल । 'धर्मोदय' लय्पौ व 'नेपाल' ऋतुपतिइ सम्पादकया रुपय् ज्या यानादिल । वय्कःया पिहां वःगु सफू थथे दु- नारद मोह, निबन्ध छपुचः, निबन्ध निपुचः, नेपालभाषा साहित्यया तिसा, निबन्ध स्वपुचः, लिसः व आरती । नेपाली भाषाय् ९ गू सफू पिहांवःगु दु । सम्पादन यानादीगु न्यागू सफू थथे दु- बाखं पुचः, साहित्यया सुलचं, गद्य-पुचः, नेवारी-इच्छाधीन (कक्षा ८), नेवारी इच्छाधीन (कक्षा ९) । वय्कलं भाषाजवाः, प्रबल गोरखा दक्षिण बाहु (प्यंगूगु), रत्नश्री पदक, मदन पुरस्कार प्राप्त याना दीगु दु ।

छगू इलय् स्वनिगःया थी थी क्याम्पसं पिहां वइगु नेपालभाषाया दंपतिइ वय्कःया च्वसु लोकंकाः । पत्रिका पिकाइपिसं वय्कःया च्वसु काःवइगुलिं बियां साध्य मजुया छु विषयया क्याम्पसं पत्रिका पिकायत्यंगु खः, उगु उगु हे विषयमा च्वमिपिन्त उगु विषयया च्वसू च्वकूसा बांलाइ धका च्वसु च्वया पिकया दिल । च्वसु काःवइपिन्त नं अथे हे धया दिल । थ्वयां लिपा निसैं थी थी पत्रिकां अथे हे यात ।

वय्कः मदय् धुंकाः नेपालभाषा परिपदं पिहांवइगु 'नेपाल' ऋतु पति 'स्व. रत्नध्वज जोशीया लुमन्ति ल्याः' पिकया वय्कःया सम्मान याःगु दु । नेपालभाषा मंकाः खलः यलया वहः दै बुन्हिया भवलय् वय्कःया बुन्हि लाकाः जूगु 'मंकाः नेपालभाषा साहित्य सम्मेलन'य् ईश्वरीमैयां श्रेष्ठं च्वयादीगु 'रत्नध्वज जोशी व्यक्ति व कृति' सफू पिहां वःगु दु ।

नेपालय् साहित्यया वय्बय् मजुनिगु इलय् नं साहित्य छाये च्वयेगु, गथे च्वयेगु, बाखंया पात्र गथे जुइमाः धयागु आदि वारय् च्वयाः च्वमिपिन्त लँ क्यना नेपालभाषा साहित्यया ज्वःमदुगु योगदान बिया दीम्ह जोशीननी, इन्हनय् च्वम्ह रत्नध्वज जोशी आकाभाकां ब्रेनह्यामरेज जुया पाटन अस्पताललय् मन्त । वय्कःया तिरिमय्जु राधा जोशी वि.सं २०४२ सालय् मन्त । ■ ■ ■

मास्टर हेमलाल जोशी

१. ने.सं. १०३८ चिल्लाखः ११

२. ने.सं. १०८५ कछाखः ९



नेपालभाषा साहित्य ख्यलय् प्याखं च्वमिकथं नांजाःम्ह हेमलाल जोशी
गमय मगः भिद्योया न्ह्यःने बखुंबहाः जःखः क्वाको धाःगु थासय् बूगु खः ।
बगः ने.सं. १०३८ चिल्लाखः ११ खुन्हु अबु भरतलाल जोशी व मां नानीबाबाया
काखं साहित्याम्ह काय् जुया बूगु खः । वय्कःया निम्ह दाजु व छम्ह किजा दु ।
बगःया तिरिमय्जुया नां सरस्वती खः ।

शिक्षाया महत्त्व नकतिनि नकतिनि दयाः वःगु इलय् वय्कलं एम.ए.
गामादिल । वाज्यापिसं ज्योतिष ज्या याना दीसां वय्कलं थुखेपाखे ल्हाः तया
गरीसं स्कूलय् आखः ब्वंकेगु ज्या याना दिल । पाटन हाईस्कूल, आदर्श कन्या
निकेतन व पाटन कजेलय् वय्कलं ब्वंकाः दीगु दु । वय्कःया विषय इतिहास
गुमा अंग्रेजी, भूगोल, नेपाली, नेपालभाषा थें ज्याःगु विषय नं ब्वंकाः दिल ।
वय्कःया लजगाः हे मास्टर ज्या जूगुलिं वय्कः 'मास्टर साहेब'या नामं यलय्
ना जाः । उकिं नेपालभाषा ख्यलं नं वय्कःया नांया न्ह्यःने 'मास्टर' खंयः घाना
थ्ययेगु याः । उबलय् पाटन हाईस्कूलय् शुक्रवाःपति व हे स्कूलया विद्यार्थीपिनि
दथ्ठइ साहित्य सम्मेलन याइगु व सम्मेलनय् ब्वनीगु रचना वय्कलं हे जांच
याना दी ।

वय्कःया विषय इतिहास जूगुलिं वय्कलं च्वया दीगु प्याखं नं अप्वःयाना
ऐतिहासिक घटनानां स्वानाच्वंगु दु । वय्कःया अप्वः नाटक छ्धाः प्याखं हे
खः । वय्कःया दकसिवय् न्हापां ने.सं. १०७२ स 'नेपाल' लय्पौ दँ १ ल्याः १ स
'खड्गसिद्धि' छ्धाः प्याखं पिहांवःगु खः । वय्कःया थी थी च्वसु 'नेपाल' ऋतु-
पौ, 'मचा' लय्पौ, 'धर्मोदय' लय्पौ, 'सितु' निलापौ आदि पत्रिकाय् पिहांवःगु
दु । वय्कःया सफुतिइ दुमथ्याःगु मेगु छ्धाः प्याखंया धलः थथे खने दु - १.
एथेन्सया बही ब्वःगुलिइ, २ किरातेश्वर, ३ घःमरि मास्टर ४. समस्या, ५.
जुजु विश्वजीत मल्ल । थ्व फुटकर प्याखं धुंकाः वय्कःया नेपालभाषाया प्यंगु
प्याखं सफू पिहांवःगु दु । थ्व थथे खः- 'खड्गसिद्धि', सदाशिव, एकांकी पुचः, रुपा ।
ने.सं. १०७६ स 'खड्गसिद्धि' सफूयात 'श्रेष्ठ सिरपा' प्राप्त जुल । थ्व सफू
नेपालभाषा साहित्य ख्यलय् छ्धाः प्याखं मध्ये दकसिवय् न्हापां पिहांवःगु छपा सफू

खः । न्हापा 'खड्गसिद्धि' व 'सदाशिव' क्याम्पसया कोर्शय् दुथ्यासां थौकन्हय् थ्व निगू सफू नं कोर्शय् दुमथ्याये धुंकल । च्वय्च्वंगु प्यंगू प्याखं सफू मध्ये 'सदाशिव' व 'रूपा' निगू जक पूधाःप्याखं, मेगु स्वंगुलिं छधाः प्याखं खः । थथे हे स्वंगू ऐतिहासिक घटना नापं स्वाःगु खःसां 'रूपा' छगू सामाजिक प्याखं खः ।

नेपाली भाषां च्वयातःगु 'न्याय वा अन्याय' छधाः प्याखं व 'नेपालको इतिहास' छगू नं पिहांवःगु दु । वय्कलं थःम्हं च्वया तःगु प्याखनय् थः नं प्याखंम्बः जुयादिल । वय्कःया प्याखनय् यलय् नांजाःपिं सत्यमोहन जोशी व वय्कःया ज्वलिंज्वःपिं पासापिं म्हिताःदीगु दु । ने.सं. १०७२ स हनुमान ध्वाका दुने जूगु वृहत नेपालभाषा साहित्य सम्मेलनय् नं 'खड्गसिद्धि' प्याखं क्यन । त्रिपुरेश्वरय् च्वंगु घरेलुया प्रदर्शनी नं थ्व प्याखं तःन्हुमछि क्यंगु दु । थथे हे पाटन हाईस्कूलय् इलय्ब्यलय् जुइगु सांस्कृतिक ज्याभवलय् नं वय्कःया प्याखं मञ्चन जूगु दु ।

वय्कलं निबन्ध नं च्वयादिल । वय्कःया प्रकाशित निबन्धया म्वः थथे दु - लापा थायेगु, काजी भीम मल्ल, योमहि, मोहनी नखः, व नां । वय्कः यलय् च्वंगु 'नेपाल भाषा समिति'या सचिव जुयादिल । थ्व भ्नाः थ्व समिति नेपालभाषा निबन्ध प्रतियोगिता व नेपालभाषा साहित्य सम्मेलन नं यात । थ्व सम्मेलनय् वःगु उत्कृष्ट निबन्ध मुंकाः ने.सं. १०७८ स 'निबन्ध रत्न' नामं निबन्ध सफू छगू नं पिहांवल । वय्कःया जीवनकालय् थी थी पत्र-पत्रिकाय् रचना पिहां वःसां सफूया रुपय् वय्कलं 'खड्गसिद्धि' सफू छगू जक पिहांवःगु स्वयेखन । वय्कः मदयेधुंकाः दच्छिया दुने 'सदाशिव', व 'एकांकी पुचः' पिहांवःगु खनेदुसा 'रूपा' वय्कः मदया निदं दये धुंकाः पिहां वल ।

छुं दै न्हयः वय्कःया काय्भाजु यज्ञलाल जोशीया स्वंगू भाय्या कविता व लेखत दुथ्याका 'क्वाःघासा' नामं सफू पिहांवःगु दु ।

मा. हेमलाल जोशी पत्थरीया अप्रेशन असफल जुया वय्कः ४७ दै दुबलय् वीर अस्पतालय् मन्त ।



भाषाथुवा: भिक्षु महानाम “कोविद”

बू : ने.सं. १०३९ माघकृष्ण ७

बी : ने.सं. १११६ चित्लागा: २



भिक्षु महानाम ‘कोविद’या जातःया ना रामरत्न जूसां छैय् सःतीगु नां भाःसा मोहनरत्न जुयाच्वन । अबुया नां तेजरत्न कंसाकार, मांया नां हर्षलानी खः । वयकःपिनि कोखं ने.सं. १०३९ माघकृष्ण ७, केलत्वाःया भंसाःछैय् मोहनरत्न बुल । मोहनरत्नया मचाबलय् हे अबु मन्त । मांम्हं पाजुपिंथाय् च्वना वकल । भिंछुदँ जक दुबलय् ककाम्हनापं लाकां कारखानाय् ज्या यायेमाल । मोहनरत्न १३ दँ दुबलय् साहु दशरत्न व वयकःया काय् त्रिरत्न तुलाधर नापं भाखः च्वनेत लंकाय् वन । लिपा मोहनरत्नया गुरु लुधम्मानन्दया अनुमति कथं भावणेर जुयाविज्यात । युबलेनिसें वसपोलया नां मोहनरत्नं श्रावणेर महानाम जूस ।

लकाय् च्वच्व बौद्ध शिक्षा नापं सस्कृत, पाली, सिंहली साहित्य, इतिहास भाषि च्वना विज्यात । अन च्वनाच्वंवलय् सिंहली भासं ल्हातं च्वया ‘विद्यापद्यमीनी’ नांगु पत्रिका पिकया विज्यात । हिन्दी भाषाय् ‘कोविद’ नं जुयाविज्यात । कलकत्तां नेपालभाषां ‘बुद्ध धर्म व नेपालभाषा’ पत्रिका पिहां वयेगु दी थुका भिक्षु महानाम ‘कोविद’ सारनाथं पिहां वइगु हिन्दी भाष्या ‘धर्मदूत’ पत्रिकाय् नेपालभाषाया च्वसु नं दुथ्याकेगु कुतः याना विज्यात । कुतः कथं सन् १९४१ अप्रिल निसें ‘धर्मदूत’ दँ ६ ल्याः १ स दकसिबय् न्हापां नेपालभाषां सूचना नापं ‘शील’ नांगु च्वसु पिहांवल । थ्व च्वसु ‘श्री महानाम’ नामं पिहां वःगु खः । ‘धर्मदूत’ दँ ८ ल्याः १-२ निसें थ्व पत्रिकाया सम्पादकय् भिक्षु धर्मरत्न व भिक्षु महानाम च्वया पिहांवल । हिन्दी भाषां पिहां वइगु उगु पत्रिकाया प्रत्येक अङ्कय् प्यंगू पेज नेपालभाषायात याय् वीगु यात । थुकी छापय् जुइगु लेख्या सम्पादक व व्यवस्थापन यायेगु दक्क ज्या वसपोलं याना विज्यात । थुकी वसपोलया नेपालभाषां न्यापु व हिन्दीं निपु च्वसु पिहां वःगु दु । थ्व पत्रिकाया नेपालभाषा च्वय् थीथी भिक्षुपिनिगु लेख नापं सिद्धिरत्न उपासक, भूवनलाल प्रधान, हृदय, मोतिलक्ष्मी, धर्मरत्न यमिपिनिगु च्वसु पिहांवल । थ्व पत्रिकाय् सन् १९४१ अप्रिलनिसें सन् १९४८ अगष्ट तक नेपालभाषाया च्वसु पिहांवल ।

ने.सं. १०६७ कौलानिसें भारतया कालिम्पोङ्ग ‘धर्मोदय’ लय्पौ पिहांवल । थकिया न्हापांम्ह सम्पादकय् भिक्षु अनिरुद्र व भिक्षु महानाम ‘कोविद’ खः ।

वसपोलपिं दं २ ल्याः ७ तक सम्पादक जुया बिज्यात । दं २ ल्याः ८ निसं १३ तक भिक्षु महानाम 'कोविद' याकःचां हे सम्पादन याना बिज्यात । वसपोलया सम्पादन इलय हे २,५०० दं क्यंगु स्वांया पुन्हिया लसताय तःजिक 'धर्मोदय'या तपं (विशेषाङ्क) पिहांवल । उगु तपं पतिइ थी थी किपाः नापं दुध्याका पिहां वःगु खः । नेपालभाषाय थुलि किपा दुगु मेगु पत्रिका थी तक नं पिहां वःगु खने मदु ।


'धर्मोदय'या न्हापांगु अङ्गु हे नेपालभाषाय दकसिबय न्हापांगु आधुनिक बाखं कथं कयाः तःगु चित्तधर 'हृदय'या 'पौ' नांगु बाखं पिहांवल । थ्व पत्रिकाय दकसिबय न्हापां रत्नध्वज जोशी च्यादीगु 'धर्मोदयया कहानीत' नांगु च्वसु पिहांवल । थुकथं धर्मोदय पत्रिकाय न्हून्हीपिं च्वमित नापं थी थी कथंया च्वसु पिहांवल । थ्व पत्रिकाय प्रेमबहादुर कसाः, फणिन्द्ररत्न वज्राचार्य, रत्नध्वज जोशी, भिक्षु सुदर्शन नापं मेपिं यक्वसिनं कालिम्पोङ्ग्य च्वना ग्वाहालि याना दिल । भाषानिभाः प्रेमबहादुर कसालं थःगु नुगः खं थुकथं प्चंकादीगु दु - "धर्मोदय पत्रिकाय ज्या यायेगु अवसर जितः चूमलाःगु जूसा 'च्वसापासा' अले च्वसापासा अन्तर्गतगु ज्या खं आदि गुलि जुल, गुलि जुयावन, इपिं ज्वीगु खःला मखुला धायेमफु । उकिं 'धर्मोदय' पत्रिका प्रति जि तसकं ऋणी ।"

भिक्षु महानाम 'कोविद' देशय दुहां बिज्याये धुकाः नं वसपोल 'आनन्द भूमि' लयपतिइ वि.सं. २०३० सालं निसं वि.सं. २०४० साल तक व्यवस्थापक जुयाबिज्यात । भन्ते जुया दकसिबय न्हापां नेपाः लिहां बिज्याये धुकाः थः हे ककां वसपोलयात वहया डवल निद्वः तका दानयात । व ध्यवा थःमं स्वथना मतसे दान यायेहःमं ज्ञानरत्नया नामं 'ज्ञानरत्न ग्रन्थ माला' धका छगू कोप नीस्वना बिज्यात । थ्व कोपया ध्यबां बुद्ध धर्म सम्बन्धि सफू पिकायेगु याना बिज्यात । थ्व कोपं न्यागू तक थीथी भाषाया सफू पिहांवल ।

वसपोलं जगतसुन्दर ब्वनेकुथियात नं दैय्दसं आर्थिक ग्वाहालि यानाबिज्याःगु दु । थुलि जक मजूसे वसपोल ल्हाः फयेगुलिइ स्वयाः नं ल्हाः चक्कंका दान वीगु ज्याय मनक्काःमं भन्ते कथं खने दु । वसपोलया कीर्ति कथं हिन्दी भाषाया 'बुद्ध हृदय' सफू नेपालभाषां अनुवाद याना 'नुगः' नामं पिकया बिज्यात । थथे हे 'रसवाहिनी' छगू नं सम्पादन याना बिज्याःगु दु ।

राणा इलय विदेशय च्वनाः अपाय्स्कंगु 'धर्मोदय' लय्पौ पिकयाच्वनेगु धयागु ख्याः खं मखु । इतिहासय थ्व पत्रिकाया खं लुंआखलं च्वइ । थ्व पतिइ नेपालभाषाया पुर्लापिं च्वमिपिनिगु छपु न छपु लेख दुध्याना च्वंगु मदइ मखु । उलि जक मजूसे उगु इलय उराय, गुभाजु, वरे, साय्मि थें ज्याःपिं नेवाः वौद्धतय् छैय् थ्व पत्रिका थ्यनाच्वनी ।

इ कथं भिक्षु महानाम 'कोविद' नं ज्याथः जुया वन । न्हापा थें सक्रिय जुइ प्रकृत । ग्वानाच्वंगु मकः जक सकसितं पति धार्थें नेपालभाषा ख्यलय वसपोलया वीगषाम बुलुहुं त्वःमना वन । छन्हु नेपालभाषा परिपद् वसपोलयात खंकल । वसपोलया देनयात लुमकाः जीवनया अन्तिम इलय जक जूसां ने.सं. १९९५ स वसपोलयात 'भाषाथुवाः' या उपाधिं सम्मान यात । थ्व उपाधिं सम्मान जुया पीछि मधुव वसपोल थ्व लोक त्वःता विज्यात । वसपोलया जीवनकालय हे डा. चन्द्रमान वज्राचार्यया लेखनय नेपालभाषा एकेदमिं 'भिक्षु महानाम 'कोविद' कासीके' नामं संक्षिप्त जीवनी सफू पियंगु दु ।



भिक्षु महानाम "कोविद"या सम्पादनय पिहांवःगु "धर्मोदय" लय्पौ ।

कान्छाबुद्ध वज्राचार्य

वू : ने.सं. १०४० माघ शुक्ल ३

सी : ने.सं. १११९ यंलागा: ८



वौ जीतवहादुर वज्राचार्य व मां हेरामाया वज्राचार्यया कोखं कान्छाबुद्ध वज्राचार्य ने.सं. १०४० माघ शुक्ल ३ खुन्हु बुल । कान्छाबुद्ध वज्राचार्य धायेखतं नेवा: संस्कृतिया माया, मोह दुम्ह सुं नं मनूयात कना: च्वनेम्वा: । अफ् जिमि त्वाल्य 'यमि बाउचा' नामं म्हस्यूम्ह वय्क:या कूल छैं बुबहाल, यलय् ख:सां वय्क:या दक्व न्हिज्या यैंय् बित । उकिं यमितय्स 'यलय्बाउ' धाये मा:म्ह वय्क: यैंय् जक च्वनीम्ह वय्क:यात माया याना: गनं गनं 'यमि बाउचा' जक धाइगु न्यनेदु । यलय् कान्छाबुद्ध धालकि थ: नेवा: धका लुमपिसं वय्क: म्हसिउ । वय्क:या नां ल्व:मने धुकूपिसं धा:सा दबू प्याखं स्यनाजुइम्ह धका म्हसिका काइ । गुलिसिनं धा:सा वय्कलं स्यना दीगु छगू दबू प्याखंया छपु म्ये वय्क:यात लुमंका च्वंगु दु । 'थौ वइला कन्हे वइला ताल्ला फुना क्यन चिकुला ..' धा:गु म्ये वय्कलं स्यनादीगु प्याखंयागु म्ये ख: । थ्व तसकं लोकंका:गु सदावहार म्ये जुइ धुकल । न्हापा भृगुराम व दीपतारा ताम्राकारं हाला:त:गु थ्व ज्व:म्ये थौकन्ह्य् रमेश ताम्राकार व जुनु श्रेष्ठया सलय् रिमिक्स जुया व:गु दु ।

कान्छाबुद्ध नां नेवा: समाजय् जक चिरपरिचित नां मखु । वय्क: राष्ट्रियस्तरया व्यक्तित्व ख: धयागु खं वय्क:यात सांस्कृतिक ख्य:या मनूतय्सं म्हसिउगु व वय्क:या गुलिख्यय् शिष्यमस्त थौकन्ह्य् राष्ट्रियस्तरया कलाकार जुयाच्चंगुलिं नं सीदु । अथे धयागु वय्क:या शिष्यमस्त धायेबलय् नारायणदेवी प्रधान, राधेश्याम प्रधान, विमला श्रेष्ठ, सरिता श्रेष्ठ, नगिना जोशी व थौकन्ह्य् संकिपा ख्यलय् नांजा:म्ह नृत्य निर्देशक वसन्त श्रेष्ठ तक नं ख: । थथे हे थौकन्ह्य् तत:धंगु होटलय् प्याखं ल्हुइपिं व क्याम्पसय् प्याखं स्यनीपिं गुलिख्यय् गुरुमापिं नं वय्क:या शिष्यमस्त दु ।

वय्क:या जीवनका:छिया ई नेवा: संगीत व नृत्य स्यनेगु ज्याय् बित । वय्कलं गुलि नं ज्या यानादिल व दक्व ज्या सांस्कृतिक ज्या याना दिल । अथे धयागु मचाल्याय्म्ह व ल्याय्म्हया ई नं ज्ञानमाला भजन थें ज्या:गु संगीतय् हे विनावन । वि.सं. २००८ सालय् छफ्फा: रेडियो नेपालय् ज्या यानादिल । वि.सं.

॥॥॥ भाव पाखे मास्यतिक संस्थानय नृत्य निर्देशक जुयादिल । वि.सं. २०२६
भावन नेपाल राजकीय प्रजा प्रतिष्ठानय नृत्य निर्देशक जुयादिल । थ्व धुंकाः
भावन क्याम्पसय न संगीत, नृत्य स्थनादिल ।

श्री. गंगा नय स्थं निसे हालिइगु ज्ञानमाला भजनय वय्कलं यक्व योगदान
 गानागीतं च सम्बन्धित सकसिनं स्यू । थथे संगीत व नृत्यया ह्यल्य जुयाः
 नमस्कृत्य न विदे चाःहिला दिल ।

१। न.म. ११०६ म. ज्ञानमाला म्येया म्येचाः पिकायेगु ज्याय् वय्कःया भूमिका
 १। नेपालभाषा म्ये गुथिपाखें ४ चाः नेवाः म्येचाः पिहांवल । उगु म्येचाःया
 भूमीत मयाजक वय्कः हे खः । अथे हे 'विश्वन्तरया मचा दान', 'कान्छाबुद्धया
 १। भूमा' म्येचाः नं पिहांवःगु दु । छपु निपु वय्कलं हे हालातःगु म्ये नं दु ।
 'जानी पासापि अनित्य थ्व जगतय् छाया अभिमान ...' व संगीता शास्त्र नापं
 १। अ.भ.जन हालातःगु दु । वय्कलं गुपुन्हि व अन्याः पुन्हिबलय् थी थी दबू
 १। म्येनादिल । कामेश्वरी, अनुराधा, विश्वन्तर, महासत्त्व, निमन्त्रणा आदि
 १। म्येनादीगु प्याखं खः । वय्कलं चर्या, संगीत, म्ये व परम्परा नृत्य
 १। व प्रचार प्रसार नं याना दिल ।

व्यक्त्या योगदानयात कदर यासे सरकारी ब्यलं निसं जनस्तरं तक चं
व्यक्त्यात सम्मान याता: इलय् ब्यलय् अभिनन्दन नापं दसि-पौ लःल्हा:गु दु ।
वि.सं. २०३१ सालय् राज्याभिषेक पदक, वि.सं. २०४६ सालय् इन्द्र राज्यलक्ष्मी
प्रज्ञा पुरस्कार, वि.सं. २०४७ सालय् च्याकःगु राष्ट्रिय सांस्कृतिक महोत्सवय्
तमा-पी, नेपाल लिपि गुथि, तारेमाम संघ, यलया तारेमामपाखें लुंया तक्मा,
वा.अ. पञ्चायत संकल्प गीतिनाट्य एवं तानसेन पाल्पापाखें रजत पदक व
भीधः ज्ञानमालापाखें रजत पदकं कदर या:गु दु ।

कान्धबुद्ध वज्राचार्य मनू यलय् जूसां वय्कःया जन्म हे त्यौड, तुबहालय् जगु छः । वय्कः भासं मस्यूनवल्य् हे मां मन्त, वय्कः न्यादै जक दुबलय् अबु न मन्त । वय्कःयात वाज्या अजिपिसं ब्वलंकल । थः तता मिश्रीया प्रेरणां वय्कलं भजनय् म्ये हालेगु यानादिल । थथे थः तंताया प्रेरणां वय्कलं थःगु देश व थःगु जातिया संगीत व नृत्यया सेवा यायेखन । थ्व हे ख्यलय् जुजुं ८४ दै वयेका वय्कः हर्ट आटायक जूया मन्त ।

वयकः पागु योगदान लुमका डान्स कल्चरल आर्ट सेन्टरया ग्वसालय
वयकः या भवाता येया कंगलय धना तग द ।



भैरवगोपाल वैद्य

बू : ने.सं. १०४३ चौलागा: ११

सी : ने.सं. १०६८ सिल्ला



नेपालभाषा साहित्य ख्यलय तसकं क्यातुगु उमेरय् मदुपिं कविपिं मध्ये छम्ह सौगः त्वाः, यलय च्वम्ह भैरवगोपाल वैद्य नं खः । ने.सं. १०४३ चौलागा: ११ खुन्हु बूम्ह वय्कः २५ दँया मिच्याःगु ल्याय्म्ह इलय् मन्त । यलय नांजाःगु वैद्य कूलय् बूम्ह वय्कःया बौया नां कृष्णगोपाल वैद्य व मां वदनलक्ष्मी वैद्य खः । पाटन हाईस्कूल एस.एल.सी. पास याना आई.ए.ब्वनाः दीसां ब्वचायेका मदी । भैरवगोपाल वैद्य धाल कि नेपालभाषा साहित्य ख्यलय उबलय् एस.एल.सी.इ पूर्वीय भाषा अन्तर्गत नेपालभाषा विषय ब्वनेमाःगु 'मुना स्वां' न्हयःने दंवइ । थुकिइ च्वंगु गुलिख्यय् कविता वय्कःपिसं ल्हातंच्वयाः पिकया तःगु 'नेपाल' नांगु पत्रिकाय् पिहां वःगु कविता मुनातःगु खः । 'मुना स्वां' व 'नेपाल' ल्हातंच्वया पत्रिका भैरवगोपाल वैद्यया छगः पाय्म्बःया निपाः ख्वाः थें खः ।

नेपालभाषा थकायेगु व थुकिइ साहित्य श्रृजना यायेगु ज्याय् दुनें दुनें न्हयचिला च्वपिं चित्तधर 'हृदय', फत्तेबहादुर सिंह, सिद्धिचरण श्रेष्ठपिं वि.सं. १९९७ सालया राजनैतिक काण्डं जेलय् लानाच्वन । थुबलय् यलयच्वपिं रत्नध्वज जोशी, भैरवगोपाल वैद्य थें ज्याःपिं ल्याय्म्हपिं सुम्क च्वनामदी । कोबहालय् भ्वंया कुथि दुम्ह कीर्तिनाथ नेवाःया पसलय् रत्नध्वज जोशी, भैरवगोपाल वैद्य, पूर्णप्रसाद अमात्य व मेपिं मुना दी । अन थः स्याःन्याःपिं भाषा साहित्यय् ध्यान दुपिं ६/७ म्ह पासापिं मुनाः बालय् छकः धयाथें कोथा गोष्ठी जुइ । रत्नध्वज जोशीया नेतृत्वय् भैरवगोपाल वैद्यपिसं ल्हातंच्वया नेपालभाषाया पत्रिका पिकायेगु ग्वःसाः याना दिल । ग्वःसा कथं भैरवगोपाल वैद्य व वय्कःया पासापिं मुनाः ने.सं. १०६४ बछलां निसें ल्हातंच्वयाः 'नेपाल' लय्पौ पिकया दिल । थ्व १६ पेजयागु छगू कापिइ गथे छिन अथे नेपालभाषाया रचना दुथ्याका च्वयेगु याना तःगु खः ।

ने.सं. १०६४ निसें दँछितक भिनिगु पिहां वःगु थ्व 'नेपाल' पत्रिका रत्नध्वज जोशीयाके छुं ल्याः दनिगुलिं काशीनाथ तमोटया कुतलं ल्याः १,३,५,६,७ व ९ याना खुगू ल्याः पाटन संयुक्त क्याम्पसया नेपालभाषा शिक्षण समितिया सफूकुथिइ ने.सं. १०९९ चौलाख ९ खुन्हु लःल्हाना दिल । भैरवगोपाल वैद्य

१७५। ३ द थकालिम्ह सत्यमोहन जोशीयागु 'दय्या' कविता नं थ्व हे 'नेपाल'
 पत्रिकाय् हे पिहां वःगु खँ सत्यमोहन जोशी 'किलं नयेमफूगु पौ' सफुतिइ च्वया
 १७६। १। ल्यावःगु खुगू ल्याख्य ७ म्ह च्वमिपिनि ६६ पु च्वसु दुथ्याः । दकसिबय्
 १७७। कविता दु । थ्व धुंकाः थसिकथं निबन्ध व थीथी विषय दु । थ्व पत्रिकाय्
 पिहां वःगु रचना खालि वय्कःपिनि सौख जक मजूसे स्तरयुक्त रचना सृजना
 १७८। १। थ्व हे पत्रिकाय् पिहां वःगु रत्नध्वज जोशीया 'इच्छा' नांगु कविता
 १७९। १। १०६७ स पिहांवःगु 'धर्मोदय' लय्पौ दै १ ल्याः १ स छापे जुया पिहां
 वःन । थ्व जक मखु 'नेपाल'य् पिहांवःगु मेमेगु रचना नं 'धर्मोदय' लय्पतिइ
 पिहां वःगु दु । नेपालभाषा साहित्यय् न्हापांम्ह निबन्धकार कथं स्थापितम्ह
 रत्नध्वज जोशीया न्हापांगु निबन्ध 'च्वेगु छाया ?' निबन्ध नं थ्व हे 'नेपाल'
 पत्रिकाय् पिहां वःगु खः ।


'धर्मोदय' लय्पौ पुइका स्वयाबलय् भैरवगोपाल वैद्य नामं निपु रचना व
 भैरवगोपाल श्रेष्ठ नापं स्वपु रचना पिहां वयाच्चंगु दु । श्रेष्ठ थरया वैद्यतय्सं नं
 वःगु थर श्रेष्ठ हे तःगु व वैद्य नं श्रेष्ठ थर हे जूगुलिं भैरवगोपाल वैद्य व
 भैरवगोपाल श्रेष्ठ थ्व निगू नां नं छम्ह हे जुइ धका पत्याः यायेछिं ।

भैरवगोपाल थःगु देशयात अतिकं माया याइम्ह राष्ट्रवादी ल्याय्म्ह खः ।
 वय्कःयाकं थःगु देशया गुलित माया छु धयागु खँ 'आहा देश थ्व जिगु नेपा'
 कविता जक स्वःसां गाः । वय्कः राजनीतिइ सक्रिय जुया च्वंगुलिं राणातय्याय्
 १८०। १। पति वनेमाःम्ह वय्कःया बौया मछिं । थः काय् नं अथे च्वया सना जूगु
 राणा सरकारं सिइगु भयं नं याना वय्कलं च्वया दराजय् तयाःतगू दक्क
 साहित्यिक रचना वय्कःया अबुं व्छेयेका व्यूगु वय्कःया स्याःन्याःम्ह पासा
 राजाराम कर्माचार्य कनादिल ।

'धर्मोदय' या थी थी ल्याख्य पिहां वयाच्चंगु वय्कःया च्वसु धलः थथे दु
 'फुस्तुगु घः टां टां न्याः' (लेख), 'समाज' (लेख), 'पालंपा' (बाखं), 'मनू'
 (चबसु), 'ई' (चिनाखँ) । वय्कःया पिहांवःगु सफू थथे दु— 'मुना स्वा' (कविता
 मुना), 'जिं छन्त याकनं कायेके हये' (प्याखं), 'भैरवामृत' (कविता) ।

राजाराम कर्माचार्यया कथं थःपिं पार्टीइ लगय् जुयाच्चंगु व छन्हु वय्कःपिं
 भिमं सौगः हितिफुसय् च्वना ताउति खँ ल्हानाच्चंगु खना वय्कःया अबुं
 भैरवगोपालयात गनं मच्छसे क्वाथय् हे कुनाविल । वय्कः लिपा भ्याः गयाः
 भिस्सू भाल । काय् अथे राजनीतिइ जुयाजूगु खना राजनीति त्वःफिकेत
 वय्कःयात वीरगंज रेल अफिसय् जागिर नकेच्छल । लिपा वीरगञ्ज टि.वी
 जुइका लिहां भाल । राजाराम कर्माचार्यया कथं वय्कः वीरगञ्जय् वनेमाःबलय्
 तसकं निरास जुल, थः टि.वी.या त्वगि जूसां थःगु उसाय्या छुं च्यूताः मकाःसे

वा, फय्यागु परबाः मयाःसे वां दयेका यःयःथे जूगुलिं न वय्कःया ल्वय् स्यंगु
 खं कनादिल । लिपा थःगु छेंय वये धुंकाः थःगु छेंय हे मन्त । वय्कः मदया निदं
 दयेका वय्कःया तिरिमय्जु व दुरुत्वम्ह मचा छम्ह नं व हे ल्वचं मन्त ।



भाषाशुद्धा: पं. हेमराज शाक्य



ने.सं. १०४६ ज्येष्ठ शुक्ल ४

पं. हेमराज शाक्य धाल कि यलय् जक मखु विदेशय् नं नां जा: । पुण्यराज शाक्य व अष्टमाया शाक्यया हेमराज शाक्यवंश दत्तफत्तं याक:पुता ख: । मां वबुं या:पें दुम्ह जुया वसपोलयात आशाकाजी धका नं धायेगु यात । वसपोल किं व गुला दुबलय् वसपोलया अबु मन्त । मामं दु:ख सुखयाना वसपोलयात जगतमान माल । भिदं दुबलय् चिकं बहिलीइ च्वंम्ह जगतमान वैद्य (धर्मादित्य शाक्य) थाय् आख: व्वं वनेगु यात । थ:गु कूलया ज्या स्वया नं वसपोल जगतमान नापं अप्व: सत्युवन । थी थी विषय ज्ञान दुम्ह जगतमान वैद्यया जगतमान हेमराज प्रभावित जुल । जगतमान वैद्य नेवा: लिपि नं स:म्ह जुया वसपोल नं सयेका काल ।

ने.सं. १०७१ स यलया मंगलय् जूगु ललितपुर आदर्श कला प्रदर्शनीइ जगतमान वैद्य वसपोलयात लुंयागु मसिं रञ्जना लिपि च्चका व्वज्या याकल । वसपोलया थ्व कृत: अतिकं बालामे च्वंगुलिं न्हाप लात । वसपोलया कृत: खना जूगु जगतमान वैद्य नं उत्साहित जुया 'अज्जन मगानि थुकि फक्को च्वया मुकावकि धका बारम्बार उत्साह बिसेलि आतक्क थ:म्हं स्यूगु फुगु मुकाव थ्व नेपाल लिपि संग्रह सफू दय्का ह:गु खना जिपनिसनं अतिन प्रशंसा यानागु जुल' धका 'नेपाल लिपि संग्रह' या भूमिकाय् च्वयाबिज्यागु दु ।

हेमराज शाक्य दकसिबय् न्हापां वि.सं. २००८ सालय् वीर पुस्तकालयय् 'चण्डीत' पदय् जागिर जुया वि.सं. २०१३ सालय् 'लिपि विशेषज्ञ' पदय् बढुवा जुया पुरातात्विक विभागय् ज्या जुल । ३२ दँ जागिर नया अवकास जुइधुका: नेपाल जर्मन रिसर्च सेन्टरय् १२ दँ तक ज्या याना बिज्यात ।

वसपोलया दकसिबय् न्हापां ने.सं. १०७३ स ११ ता लिपि तया थ:म्हं हे 'नेपाल लिपि संग्रह' पिकया बिज्यात । ने.सं. १०७२ स यूरोपया नांजा:म्ह बिद्वान प्रो. जिसेफ टुची नेपालय् शिलापत्र ल्हययेगु भवलय् वसपोल वय्क:यात बा:गु ग्वाहालिं प्रभावित जुया न्यास: पाय्म्व: इनाम विल । थ:म्हं सेवायाना व:गु बां भिंगु ज्याय् फुकेमा: धका व हे न्यास: पाय्म्वल 'नेपाल लिपि संग्रह' पिकया बिज्यात । जगतमान वैद्य नेपाल लिपिया पुनरोत्थानया स:तसें निसें हा चने धुकूगु नेवा: लिपि ख: थे मखु थे चुलि कया वल ।

वि.सं. २०२५ सालय वसपोलं पद्म कन्या कलेजय खुला तक प्राचीन नेपाल लिपि स्यना विज्यात । थ्व धुंकाः वसपोलं 'नेपाल लिपि अध्ययन गुथि', नागवहाः, यलद् नेपाल लिपि स्यना विज्यात । ने.सं. १०९८ पाखे नेवाःतय्के थ्व लिपि सयेकेगु इच्छा यक्व दयाःवल । थुबलय 'साहित्यया मूलुखा'या ग्वसालय वय्कलं चकवहि, यलय प्रचलित नेपाल लिपि कक्षा स्यनाविज्यात । थःम्हं नं प्रचलित नेपाल लिपि वसपोलया पाखें अन हे सयेकागु थन लुमंकेबहःजू ।

थौकन्हय प्रचलित नेपाल लिपि, रञ्जना लिपि तसकं नुगःतय्थाय् दयेक ल्यासे, ल्याय्म्हतय्सं सयेका हयाःच्वंगु दु । न्हू न्हूगु लिपि सफू नं थाय्थासं पिहां वयाच्वंगु दु । थ्व दक्वया श्रेय वसपोलयात हे वनी । नेवाः लिपियात वसपोलं साः तयाः, चा क्वाना बिचाःसचाः यानाः थौ नेवाः लिपि पत्रिका, सफू जक पिहां वःगु मखु गुलिछ्यय् ल्यासे, ल्याय्म्हतय्सं नेवाः एफ.एमय् नेवाः लिपि पौ च्वइपिं तक नं यक्व दये धुंकल । अफ् तःदँ न्हयः हे मुनिबहादुर शाक्यं प्रचलित नेपाल लिपिया फन्ट दयेका कम्प्यूटरय् नं तयेजिइक आखः दयेकूगु खः । आः वया यलय हे च्वंम्ह रविसन शाक्यं नं थी थी नेवाः लिपिया स्यल्लाःगु सफू नापं फन्ट दयेका इन्टरनेटय् तया ब्यूगु दु । थुकिं याना माःपित कम्प्यूटरं ल्हया कायेत अःपुल । थुकथं नेवाःतय् सम्पत्ति जुयाच्वंगु थी थी नेपाल लिपियात पुनर्जन्म विइ थें हानं प्राण सञ्चार याना छ्यलाबुलाय् वयेकेगु ज्याय् पं. हेमराज शाक्यया योगदान गवले ल्वःमंके फइमखु ।

वसपोल लिपिया नापनापं बुद्ध धर्म, बुद्ध मूर्ति, शिलापत्रया अन्वेपक, बौद्ध संस्कृति व नेवाः संस्कृतिया ज्ञाता, बौद्ध बहाः वही, प्राचीन सम्पदा आदिया अनुसन्धानकर्ता, नेपालभाषाया च्वमि नापं शुभचिन्तक नं खः । वसपोलं च्वयाविज्याःगु 'नेपाल संस्कृतिया मूलुखा' व 'श्री स्वयम्भू महाचैत्य' सफुतिं थसिंकथं ने.सं. १०८९ व ने.सं. ११०१स श्रेष्ठ सिरपाः त्याकूगु दु । 'श्री स्वयम्भू महाचैत्य' सफू तयार यायेत २२ दँ बित । उबलय तक नेपालभाषाय् दकसिबय् तःपंगु, तःधंगु सफू थ्व हे जुइ । व सफुतिइ मुक्कं याना ८६७ पौ दु ।

नेपालभाषा परिपदं ने.सं. ११११ स वसपोलयात 'भाषाथुवाः', ने.सं. १११३ स बोधि परिपदं 'स्वयम्भूरत्न', सन् १९९१ स जापानया छगू संस्था 'The best scholar of the world' व ने.सं. ११२४ स लोट्स रिसर्च सेन्टरं 'मञ्जुश्री पुत्ररत्न' उपाधिं हंगु दु । वसपोलयात थी थी थासं हना तःगु अभिनन्दन पौ दुगु छगू स्यल्लाःगु सफू हे पिहां वःगु दु ।

वसपोलं नेपालभाषा व थ्वया साहित्य, संगीत, कलाय् योगदान यानावःपिन्त दंय् छकः सिरपाः वीगु याना ने.सं. ११११ स 'हेमराज सिरपाः व हेमराज हःपाः' नीस्वना विज्यात । थौ तक वसपोल ७२ गुलिं मयाक सफू च्वया पिहां वये धुकल । ■ ■ ■

पासुपासा

: ने.सं. १०४६ मार्गकृष्ण ९

: ने.सं. ११२४ चौलाध्वः ८



वासुपासाया न्हापायागु नां वासुदेव वैद्य खः । सिद्धिबहादुर श्रेष्ठ व
रत्नजायाया कोखं ने.सं. १०४६ मार्ग कृष्ण ९ खुन्हु किपूया बाफलय् बम्ह
वय्कः न्याम्हम्ह काय्मचा मध्ये दथुयाम्ह खः । मचां निसें पाजुपिंथाय् ब्वलंगुलिं
वय्कः थः कूलयागु श्रेष्ठ थर मच्चःसे पाजु बाज्यापिनिगु वैद्य थर च्वयादिल ।
वय्कः ज्वनेगु कःताः मदया मचाबलय् निसें दुःखसिया ब्वलन ।

ज्याय्मह जुइका मेपिं थें वय्कः नं राणा शासनया विरुद्धय् जुल । राणा
शासनया विरुद्ध आन्दोलनया इलय् जुजु त्रिभूवन भारतय् बिज्याये तयंबलय्
वय्कः नाप वय्कः नं जुजु त्रिभूवनयात देश त्वःता वने मजिउ धका गंभ्राल ।
दि.सं. २००७ सालय् प्रजातन्त्र वये धुंका मनुखं मनूयात थीमत्यः धयागु
राजानवीय परम्पराया विरोधय् वय्कः नं जुयादिल । परम्परावादीं हा कया च्वने
वय्कः पासय् अज्यागु विरुद्धयात साधारण मनुखं नुने फुगु खँ मखु । उकिं
वय्कःयात समाजं वहिष्कार यात । थः बौनं तक नं छ आम्ये सना जुल धाःसा
जि सिनावने धका तक नं ख्याच्चः बिल । थज्यागु खँय् अबुं पं वःसा थः लिचिले
वय्कः, वरु अबु हे सिना वंसा थसि धका वय्कलं थः अबुया न्हयःने हे
वय्कःदिल । काय्या अज्यागु खँ न्यना अबुम्ह ख्वल ।

देश व समाजया लागि दुःख सिया जूगुलिं जुजु त्रिभूवनं छ दुःख स्यूगु
व्यना, छत्त छु माल धका छकःपति न्यना बिज्यात । वय्कलं थःम्हं सफू छगू
विकायेगु बिचा यानाच्वनागु बिन्ती यात । जुजु त्रिभूवनं वय्कःयात न्यासः
वाय्म्यः बिया बिज्यात । व हे दामं वय्कलं नेपाली भाषां च्वया तःगु 'फिलिङ्गो'
सफू पिकया दिल । उबलय् जुजु त्रिभूवनं वय्कःयात माया, मतिनायाना 'पासा'
धका सःतूगुलिं वय्कःयात व 'पासा' खँवः यल । उबलय् निसें वय्कलं वासुदेव
'वैद्य' च्वयेगु मयाःसे 'वासुपासा' धका च्वयेगु यानादिल ।

जुजु महेन्द्र २०१७.११ गते दलगत राजनीति चिइका पञ्चायत व्यवस्था
हम । थुबलय् मेपिं नाप वय्कः न हिरासतय् लात । थन लिपा वय्कः शाही कर
आयोग व भूमिसुधार कमिसनया दुजलय् नियुक्त जुल । थननिसें वय्कःया
जीवन राजनीति जागिरय् हिल । लिपा वय्कः भूमि सुधार अधिकारीइ नियुक्ति
जुल । थुकथं वागमती अञ्चलया सहायक अञ्चलाधीश तक नं जुयादिल ।

वय्कः आखःया नामं भापा प्रथमा व निजामती मध्यममा, मौरी पालन परीक्षा जक व्वना तःगु दु । वय्कः राजनीतिज्ञ जक मखु साहित्यकारया नामं नं नां जाः । वय्कः साहित्य ख्यलय् लाःवगु छगू हुनि दु । छकः ज्या याना च्वंथाय् साहुं वय्कःया नुगलय् स्याक व्वःव्यूगुलिं वय्कलं कविता थें छुं च्वया दिल । अले पासा छम्ह व्वनाः कविवर सिद्धिचरण श्रेष्ठयात क्यने यंकल । सिद्धिचरण श्रेष्ठया खँ न्यनाः वय्कः प्रभावित जुल । उबलय् निसें वय्कलं छुं च्वयाःतःगु दत कि सिद्धिचरण श्रेष्ठयात क्यने यंकेंगु यानादिल । थुकथं वय्कःया सिद्धिचरण श्रेष्ठ नापं स्वापू दःवन । वय्कलं सिद्धिचरण श्रेष्ठयात साहित्यया जक मखु राजनीतिया नं गुरु नालाः तःगु दु ।

वय्कःया दकसिबय् न्हापांगु रचना ने.सं. १०७३ स 'जीवन' नांगु कविता 'धर्मोदय', ल्याः ७० स पिहांवःगु खः । नेपाली भाषां निगू दर्जनं मयाक सफू पिहां वये धुकूम्ह वय्कःया नेपालभाषां मुक्कं न्यागू सफू पिहांवःगु दु । पिहांवःगु सफू थथे दु- 'मिसा सु खव ?', 'जीवन लँपुइ', 'श्रद्धा', 'कीर्तिलक्ष्मी', 'त्वाथः' ।

वय्कःया न्हापां नेपालभाषाय् ल्हाः न्ह्याःगु खने दु । जागिरया इलय् छभाः नेपालभाषा व थ्वया साहित्य नापं तापागु खने दु । लिपा सहायक अञ्चलाधीस अवकास जुइ धुंकाः हानं नेपालभाषाय् खने दयेकः भाल । वय्कलं ने.सं. १०७४ स सल्लाहकार सभा (संसद)य् नेपालभाषां न्वंवाये दयेमाः धका प्रस्ताव तया छलफल याःगुलिं भाषानिभाः प्रेमबहादुर कसाः प्रभावित जुया वय्कःयात च्वसापासाया कार्यकारिणी सदस्यय् दुथ्याकल ।

वय्कःया जीवनया तःकुं मध्ये छकुं संगीत नापं स्वाना च्वंगु दु । वय्कलं वि.सं. २०१२ सालय् म्ये च्वयेगु यानादिल । उबलय् तसकं बय्बय् जूगु नेपालभाषाया सांस्कृतिक पुचः नासः खलकय् वय्कः दुजः जुया अनं क्यनीगु थी थी सांस्कृतिक ज्याभवःयात चिनादीगु थी थी म्येय् संगीतवद्ध जुल । वय्कःया कथं अनं सांस्कृतिक ज्याभवलय् क्यंगु म्ये मुंकाः 'जीवन लँपुइ' सफू पिकया दीगु खः । वय्कलं म्येचिनाः संगीतवद्ध जुयाच्वंगु म्ये मध्ये वा माया वा वा, हथाये चाये मते मय्जु म्वाःलि पुया काःवइ तिनि, हुयाःतःगु जिगु इतिहास रेकर्ड जुया पिहांवये धुकूगु दु ।

वय्कलं नेपाली भाषाया छगू पत्रिकाया अन्तर्वाताय् '... संयुक्त राष्ट्र संघको सदस्यता नेपालले लिंदाखेरि तिमीहरु कुन लिपिका हौं भनेर सोधिएको थियो । त्यसबेला नेवारी लिपि पेश गरेर नेपालले संयुक्त राष्ट्र संघको सदस्यता लिएको छ ।...' धकाः लिसः बियादिल । नेपालभाषाया भविष्य खनाः च्यूता कयादीम्ह वासुपासा ७९ दँ या बैसय् मन्त । ■ ■ ■

भाषाशुधा: इश्वरानन्द श्रेष्ठाचार्य

१. मे.स. १०४८ सिल्लाध्वः ९

१०. मे.स. ११२३ पोहेलाध्व १३



॥ गगनन्द श्रेष्ठाचार्य व पुनमाया श्रेष्ठाचार्यया कोखं ने.सं. १०४८ सिल्लाध्वः
१. भू.स. इश्वरानन्द श्रेष्ठाचार्य (बनिया) बुल । इश्वरानन्द श्रेष्ठाचार्य वि.सं.
१००२ मान पाखे नेपाली भाषां कविता चव्यादिल । शुबल्य वय्कःथाय
१००३ इह दम्व विद्यार्थीयात साधना व साहना धाःपिं निम्ह तहकैहेपिसं
१००४ गगनन्द नेवाः जुया नं नेवाः भासं मच्चःसे छाया नेपाली भाषां चवःगु जुइ
१००५ व्याहल । स्वदं प्यदं तक नेपाली भाषां चव्येधुंकूम्ह उबल्य वय्कलं नेवाः
भाषा १ चव्यंजिउ धका मस्युगु जुयाचन । जब चव्य उल्लेख जूपिं निम्ह
१००६ भज्यागु न्ह्यसः तयाहल, उबल्य निसं वय्कलं नेपालभाषां चव्येग
१००७ दिला । थथे नेपालभाषां चव्ये धुंकाः वय्कःयात नेपाली भाषां चव्ये हे
१००८ । अननिसं वय्कलं नेपालभाषां हे चव्येगु यानादिल ।

वय्क या दकसिबय् न्हापां नेपाली भाषाया चवसु 'उद्योग' पत्रिकाय
१००९ । वि.सं. २००४ साल पाखे 'न्ह्यवःसा' नामं थःगु छगू नेपालभाषाया
१०१० संग्रह याना दिला । व संग्रह वय्कःया पासापिं मानिकबहादुर
१०११ शिवाकार, नीलवीर सिंह कसाकारपिं क्यनादिल । वय्कःपिसं थ्व सफू छापय
१०१२ न्हयः नेपालभाषाया नाजाःपिं कविपिं छकः क्यना स्वयेत सल्लाह बिल ।
१०१३ गगनाहकथं नाजाःपिं कविपिं क्यबल्य कविता बांमलाः धयाहल । पासापिसं
१०१४ बांमला धका सफू पिकायेगु रहल यानादीम्ह वय्कःया नुगः बवतुन । पासापिसं
१०१५ भा सफू छापय याये बहःजू, हृदयचन्द्र सिंह प्रधानयात छकः नं क्यना स्वयेत
१०१६ गगनाह बिल । पासापिनिगु सल्लाह कथं वय्कः हृदयचन्द्र सिंह प्रधानथाय
भासल । हृदयचन्द्रसिंह प्रधानं थ्व सफू छापय याये बहःजूसा जिं भूमिका चव्या
तये मजिउला धका न्यन । वय्कलं जिउ धका पाण्डुलिपि अनसं त्वःता लिहां
भासल । लिपा वबल्य भूमिका चव्या तये धुकल । भूमिकाया न्हापांगु भवः थथे
गगाध्वन- 'थ्व कविता जिं च्वना, कविता अपाय्सकं बांलाःगु ला मखु, तर
चव्या तइतःगु पहः स्वयाबल्य थथे धायेफु थ्व कविता चव्या तःगु ल्हातिइ
मरस्वति सुलाच्वंगु दु ।'

ध्व सफू वि.सं. २००४ सालय् च्या वि.सं. २००५ सालय् योगानन्द
 इश्वरानन्दया प्रकाशनं पिहां वल । सफू पिहां वये धुंकाः वय्कःया थी थी
 विधाया सफू पिहांवल । गुगु थये दु- निबन्धय् प्रेम जीवन, सौन्दर्य व आलोचना,
 नुगलय् बुद्ध, नुगः सफूया ताःचा । नाटकय्- फसपूगु लप्ते, थःगु छें, पसूका,
 फिल्कुति (थुकिया नेपाली अनुवाद 'ओभेल पदा' पिहां वःगु दु ।) कविताय्-
 सन्देश, नुग घाः, न्हयवःसा । उपन्यासय्- ख्वाउँहि, न्हाय्कं, छ धन्य खः,
 स्वःनुगः । भायलचनय्- चलंचा, मूलखा, बःचाधंगु वैज्ञानिक भायलचं । खँवः
 धुकुतिइ- धुकूपिक्, छुना खँवः धुकू, नेवार-नेपाली-अंग्रेजी शब्दकोष, ज्यापु
 भोकाबुलरि (प्रिलिमिनरि रिपोर्ट) NEWAR TOWNS AND BUILDINGS,
 DICTIONARY OF ARCHITECTURAL TERMS. मेपिं नापं सह
 लेखकत्वय् पिहांवःगु मेगु सफू- CONVERSATIONAL NEWAR. IS
 NEWAR A CLASSIFIER LANGUAGE ? A DICTIONARY OF
 CONTEMPORARY NEWARI (NEWAR ENGLISH).


ध्व वाहेक मेगु स्वंगू अंग्रेजी खँवः धुकू व क्रियापद अनुक्रमिका छगू नं
 पिहांवःगु दु । खँवः धुकू सम्बन्धि मेगु न्यागू सफू पिहांवये मानिगु खने दु ।
 ने.सं. १०८३ पाखे धुकूपिक् पिहां वःगुलिं उगु ज्यायात कदर यासैं च्वसापासां
 वय्कःयात 'भापाजवाः' उपाधि सम्मान यात । अथे हे छुं दं न्हयः तिनि
 नेपालभापाय् वय्कःया योगदानया मूल्याङ्कनयानाः नेपालभापा परिपद 'भापाथुवाः'
 उपाधिं हनेगु ज्या जुल । सांस्कृतिक मुंज्या खलः सक्वपाखें नं भिद्वः तका नापं
 'नेवाः हनाः सिरपाः' विभूषित यात । सन् १९९४ स वय्कःयात अयोध्या संस्कृत
 कार्यालय, भारतपाखें 'संस्कृत सोमानम्' नापं मचा सफू व पत्र-पत्रिकाय्
 संस्कृतय् च्वसु पिदंगु व वय्कःया विद्वताया कदर यासैं 'संस्कृत रत्नम्' उपाधि
 न प्रदान याःगु दु । ने.सं. १०८३ स वय्कःया 'न्हाय्कं' उपन्यासयात श्रेष्ठ
 सिरपाः प्राप्त जूगु दु ।

वय्कःया यक्व सफू पिहां वये धुकूसां स्वापू, न्हूगु छें, पल्पसा, यामिखा,
 मतिना, चाकःला फांगा, मयजु, लुमन्ति, ख्वबिया न्हिला, कंलाय् सफू पिहां वये
 ल्यंदनि ।

वय्कलं खँवः मुनेगु जक मयाःसे न्हू न्हूगु नेवाः खँवः ज्यायेगु नं याना
 दी । भाषणयात 'न्वचू' खँवः छयला दीगु नं वय्कलं हे खः । 'इनाप' वाःपौ
 पिहांवये धुंकाः सम्पादक खँवःयात 'पउचिता' धका छयला दिल । उवलय् ध्व
 पउचिता तसकं वय्कलं जुल । वय्कलं यक्व न्हू न्हूगु नेवाः खँवः ज्याना दीगु
 दु । गथे कि भायलचं (व्याकरण), यालचं (दूरबिन), इलचं (घडी) । थौकन्हय्
 ध्व इलचं नेवाः एफ.एम.य् वालाकः छयलाबुला जुयाच्चंगु दु । वय्कलं नेवाः

नेवाः भाय्या पहः स्वयाः व हे पहः कथं ज्यानादी । गथे कि
भीसं स्वकुमि धाइसा, श्रोतायात वय्कलं 'नेकुमि' खँवः ज्याना

तक नसिङ्ग होमय् भर्ना जुयाः ७५ दँया उमेरय् मन्त ।



प्रा. आशाराम शाक्य



वृ : ने.सं. १०४८ तछलागा: ८

प्रा.आशाराम शाक्य ने.सं. १०४८ तछलागा: ८ खुन्हु अबु आशाकाजी ब्रम्हचर्य भिक्षु व मां न्हुछेमाया ब्रम्हचर्य भिक्षुया कोखं यलया ईबहिया बहिलाछि त्वा:या नां जा:गु 'ईबहि बन्जा:पिनि कुलय् जन्म जुल । खुदै दुवलय् हे मां मदया माया मायां छाका च्वनेमा:म्ह वय्क: मचाबलय् निसें ब्वनेगुलिइ न्हय:ने ला: । अंग्रेजी साहित्यय् एम.ए. याना तयादीम्ह वय्क: पाटन इन्टर कलेज (थौकन्हय् पाटन संयुक्त क्याम्पस)या संस्थापक, आदर्श कन्या निकेतन स्कूलया संचालक समितिया छम्ह सदस्य व शिक्षक नं ख: । वय्कलं पाटन क्याम्पसय् त:दै तक अंग्रेजी साहित्य व नेपालभाषा ब्वंका दिल । वय्क: विद्यार्थी पुचलय् नं लोकन्हा: ।

सुथय् बाहा: बहिलिइ नेपालभाषा व संस्कृत भाषां ब्वनीगु तुत: ब्वब्व वय्क:याके नेपालभाषाया चेतना दया:वल । थथे हे योगवीरसिंह कसा:जु च्वयात:गु कविता च्वना बुद्ध धर्म व नेपालभाषां थ:म्ह नं कविता च्वयेगु प्रेरणा कयादिल । च्यादैया उमेरय् वय्कलं साहित्य च्वयेगु यानादिल । लिपा च्वयादीगु कविता जक 'धर्मोदय' पत्रिकाया न्हापांगु अङ्गय् 'समाज' कविता पिहां वल । थनं लिपा 'धर्मोदय' पत्रिकाय् वय्क:या कविता व बाखं पिहांवल ।

प्रेमबहादुर कसा:जु कलकत्ताय् नीस्वना त:गु 'च्वसापासा' नेपालय् दुहां वये धुंका: गठनया:गु न्हापांगु कार्य समितिइ वय्क: नं दुथ्यन । व हे दैय् च्वसापासां पिहां व:गु 'पासा' पाक्षिक पत्रिकाया न्हापांम्ह सम्पादक जुया वय्कलं ने.सं. १०७३ निसें ने.सं. १०७५ तक मदिकक ज्या याना दिल । वय्क:या धापू कथं ल्या:पतिं छम्ह छम्ह न्हूपिं मय्जु च्वमिपिं पिकायेगु ज्याय् सफल जुल । च्वसापासाया ग्वसालय् ने.सं.१०७२.स हनुमान ध्वाखा, नास: चुकय् जूगु वृहत नेपालभाषा साहित्य सम्मेलनय् गणेशमान सिंह न्यातका वंगु टिकटया न्ययेतका पुला: स्व:व:गु खं वय्क:या लुमन्तिइ दु । वय्क:या कीर्तिया रुपय् 'हिलाबुला', 'पलेह:', 'सम्पादन', 'श्रद्धाया छप्प: स्वां' (भजन), व 'Buddha the Supreme Leader the World' पिहां व:गु दु ।

लिपा सफू पिहां मव:सां फुटकर कविता, मे, लसकुस मे आदि पिहांव:गु दु । 'ज्ञानमाला' सफुतिइ वय्कलं च्वयात:गु मे दुथ्याना च्वंगु दुसा रेडियो

नेपालय नेपाली भाषां बौद्ध भजन नं दु । हितकरवीर सिंह कंसाकारया
'अगिमथः' बाखं व इश्वरानन्द श्रेष्ठचार्यया 'न्हायक' उपन्यासया समालोचना
पिपु नं व हे सफुतिड घाका पिहावःगु दु ।

वैद्य पन्नाप्रसाद सम्पादन याना तःगु 'नेपालभाषाया शब्दकोष' पिकायेगु
भक्तलय सिंहदरवारय मन्त्रीयात क्यनेत प्रा.आशाराम शाक्यया मोटरसाइकलय
चूनेया सिटय वैद्य पन्नाप्रसाद जोशी च्वना भाःगु जुयाच्चन । तर दुर्भाग्यवश
उगु मोटरसाइकल पुतली सडकया दुवातय दुर्घटनाय लानाः पन्नाप्रसाद जोशी
वीर अस्पतालयय मन्त । थ्व ने.सं. १०८७ थिलाथ्व १४ खुन्हु जूगु घटना
खः ।

वि.सं. २०२१ साल फागुन ४ गते पाटन कलेजय नेपालभाषा लेक्चरर
वय्य नियुक्ति जुया वि.सं. २०४६ साल फागुन अवकाश प्राप्त जुल । त्रिभूवन
विश्व विद्यालयय अन्तर्गत पाटन संयुक्त क्याम्पसय नेपालभाषाय एम.ए. याये
वैद्युकाः नेपालभाषा केन्द्रीय कार्यालयया प्रमुख नं जुयादिल ।

थःयात धर्मादित्य धर्माचार्यया शिष्य धया दीम्ह वय्यकः वि.सं २००७ साल
मंसिं वि.सं. २०१७ साल तक नेपाली कांग्रेसया सदस्य नं खः । वि.सं. २०१५
बालया भद्रअवज्ञा आन्दोलनय सुरक्षा कानून अन्तर्गत ज्वनायंकाः खुला तक
भद्रगोल जेलय कुनाबिल । वय्यकःया थीथी योगदानयात कदर याना थीथी
मन्थ्यां सम्मानपत्र लःल्हाये धुकूगु दु । नापं वाइ.एम.वी.ए. नं ने.सं. १९२९ स
वय्यकःयात अभिनन्दन नं याःगु दु । ने.सं. १९२२ स 'नेपाल संस्कृति' लयपतिं
वय्यकः सम्बन्धि छगू तप-पौ पिकाःगु दु । नेपालभाषा मंकाः खलः, यलया कचा
'कथा क्यब' वय्यकःयात 'म्हानाः च्वम्ह इतिहास' : प्रा.आशाराम शाक्य' शीर्षकय
वय्यकःया याकःचिया आत्मकथा न्त्यब्वयेगु ज्याभवः तया हंगु दु ।



परमानन्द वज्राचार्य

वृ : ने.सं. १०५० पोहेलागा: १४

सी : ने.सं. १०९६ श्रीपञ्चमी



पं. निष्ठानन्द वज्राचार्यया छुइ परमानन्द वज्राचार्य नेपालभाषा साहित्य ख्यलय् त्वःमंके मजिउम्ह मनु खः । सकलानन्द वज्राचार्य व पूर्णकुमारी वज्राचार्यया कोखं ने.सं. १०५० पोहेलागा १४ खुन्हु नःबही, वंबहाल, येँय् वय्कः बुल । वय्कःया तिरिमय्जुया नां कृष्णदेवी मानन्धर खः । वय्कःपिनि नगीना, पवित्र, व न्त्यू वज्राचार्य स्वम्ह सन्तान दु । वय्कलं साधारण शिक्षा हासिल याःसां वय्कःयाके बौद्धिकताया म्हो मजू । मां भाय्, राजनैतिक चेतना नापं साहित्यया ज्ञान नं उलि हे दु । निष्ठानन्दया पालं निसें चलय् जुया वयाच्चंगु हिमालय प्रेस वय्कलं नं चलय् यानादिल ।

नेपालय च्वसापासा दुहांवये धुंकाः वय्कः उकिया सेक्रेटरी जुया दिल । ने.सं. १०७२ स हनुमान ध्वाखाय् स्वन्हुयंक जूगु नेपालभाषा वृहत साहित्य सम्मेलन ताःलाकेत वय्कः नयेत्वने मधाःसे ब्वायं जुल । महाकवि सिद्धिदास महाजुया सच्छिदं बुन्नि तःजिक हनेगु ज्याय् नं वय्कःया उलि हे योगदान दु । च्वसापासाया थःगु हे छगू प्रेसतय्गु ग्वःसा कथं वय्कलं सरस्वती प्रेस हयेगु ज्याय् ग्वाहालि यात । सूर्यबहादुर पिवाः, सि.वी.रमण, न्हुछेबहादुर, हरिशरण शर्मा व वय्कःया मंकाः सम्पादनय् ने.सं. १०८० तछला, दिल्ली निसें “तिक्भ्याः” निला पौ पिहां वल । थ्व मुक्कं स्वंगू ल्याः पिहां वल । थ्व पौया प्रकाशक न्हुछेबहादुर खः । थ्व हिमालय प्रेस, ओमबहालय् छापय् जुयावःगु खः । थये हे च्वसापासां पिहां वःगु “पासा” बाःछिपौया वय्कः सह-सम्पादक नं खः ।

वय्कःया मू विधा चिवाखं खःसां बाखं, चिवाखं न्यापु, निपु प्याखं पिहां वःगु दु । थ्व निपु मध्ये “म्हपुजाया सुथ” नांगु प्याखं “पासा” बाःछिपतिइ ने.सं. १०७४ स पिहां वःगु खः । थ्व प्याखं ने.सं १०७४ स म्हपुजा खुन्हु रेडियो नेपालं प्रसारण नं जूगु दु । थ्व धुंका “वसुन्धरा” नांगु समस्यामूलक छधाः प्याखं “धर्मोदय” लय्पौया २५०० दं बुद्ध जयन्तीया ल्याखय् पिहां वःगु दु । थ्व प्याखं नेपालभाषाया आई.ए.या तगिमय् नं दुथ्याका तःगु खः । थ्व प्याखं सम्बन्धित नेपालभाषा लिधंसा सफूचा गुथिया ग्वसालय् शान्तराज शाक्य व एन.के.महायानं मुना “वसुन्धराया अन्तिम निर्णय छगू वाद विवाद” सफू ने.सं ११०२ स पिहां

बंग दु । ने.सं. १०७२ गुप्तहि व येयाः भाः शान्ति रक्षा स्वयंसेवक संघ, येया
गणसालय जूगु ख्यालकय वयकः व पासापिं न्हाप जुल ।

वयकः नेपालभाषाया लागि ज्यान पानावंम्ह ल्याय्म्ह खः । नेपालभाषा
अपकेगु ज्याय् थःगु छैय् हे च्वसापासाया मिटिङ्ग च्वनेगु याइ । अथे च्वनीगु
मिटिङ्गय नयेत्वनेगु नं वयकलं व्यवस्था याना तइ । थज्यागु ज्याय् वयकः
गुगःक्कःम्ह धयागु खं २०१९/२० गते वयकलं सत्यमोहन जोशीयात "थौं ५
बजे जिथाय् भपीगु याना भाय्गु याना दीसा ज्यू । च्वसापासाया वारे हे छुं
भषा खल्हायगु जुइ । प्रेमदाइ, धूस्वां, पिवा, हितकरपिं नं भाइ" धका
च्वया तःगु पतिं सी दु ।

वयकलं नेपालभाषाया लागि गुलि योगदान बिल अथे हे देशय् प्रजातन्त्र
हयेगु ज्याय् ज्यान तक नं पाना दिल । उबलय्या राणा सरकारं गणेशमान
सिंहयात ज्वना यंका निसःथु कोर्दा दाःथे वयकःयात नं निसःथु कोर्दा दाया
बेहोस जुइकाः सिंहदरवारय् वाञ्छया तल । थथे हे वि.सं. २००७ सालया
आन्दोलनय् वयकलं सक्रिय रुप ब्वति कयादिल । वयकःयात सरकारं ज्वना
सर्वस्व हरणयाना सिंहदरवार गारथय् कुनाबिल । लिपा आन्दोलन सफलजुइ
धुका तिनि वयकः जेलं मुक्त जूगु खं सिद्धिचरण श्रेष्ठं च्वयातःगु दु ।


परमानन्दया स्याःन्याःम्ह पासा सूर्यवहादुर पिवाः खः । सूर्यवहादुर पिवाः
वयकःयात १ नम्बरयाम्ह पासा नालाः तयादीगु दु । वि.सं. २०१९ सालय्
पिवाःजुं पद्मकन्या कलेजय् भाषण ब्यबलय् सूर्यवहादुर पिवाःयात नं ज्वना
धका थ्यंमथ्यं ३ दै कुना बिल । पिवाःजुयात कुनाः तःबलय् नेवाः भाय्या सुं
भाषाप्रेमीपिं जेलय् नाप लाः मवः । तर परमानन्द छम्हेसिनं बरोबर स्वःवइगु
वयकःया लुमं । सूर्यवहादुर पिवाःया थःगु छै दनाच्वंवल्य् ध्यबा फुना परमानन्द
धः कलाःया निपु लुँचुरि बन्हः तया वःगु ध्यबां ग्वाहालि याना दिल ।

परमानन्द नेपालभाषाया साहित्यकार जूसां वयकःया जीवनकालय् छुं नं
कीर्ति सफूया रुपय् पिहां मवः । तर वयकलं म्येया रुप बिया २६ पु कविता व
६ कू मुक्तक दुगु छगू संग्रह तयार याना "छन्त लुमका" नां छुना थःम्हं भूमिका
तक नं च्वया तःगु दु । ध्व पाण्डुलिपि वयकःया काय पवित्र वज्राचार्य सफूया
रुप बिया पिकया दिल ।

नागरिक अधिकार व मां भाय्या लागि ज्यान पाना वंम्ह परमानन्दयाके
नं तिमिलाय् हाकुगु ख्वं थाःथे त्वनेगु बांमलाःगु वानी दुगु जुयाच्वन । उकिं
वयकःया काय पवित्र वज्राचार्य - "परमानन्द जिमि वा । बौजुया जिमित छुं
तोता मथकूसां कवि जुया वं छुं छुं कविता च्वया थकूगु दु । ध्व जिमिगु
गरातिगु मखसे राष्ट्रया हे सम्पत्ति खः । " धका उगु सफूया पिकाकपाखे

चव्यादिल । वयकः मदय् धुंका स्वयम्भूलाल श्रेष्ठ वयकःया यो
चव्या दिल-“... छं चव्या थकूगु कविता, प्याखं, बाखं व मां
प्राण पाना ज्या यानावंगु जिमिसं गुवलें लोमंके फइमखु...” ।
मां भाय्या लागि तन, मन, धन नापं थःगु ज्यान तक नं पाय्त
परमानन्द वज्राचार्य ४६ दया ल्याय्म्ह इलय् मन्त ।

वयकःया छेंजःपिं सकलें नेपालभाषा ख्यलय् समर्पण जुयात्
तिरिमय्जु कृष्णदेवी वज्राचार्यया नेपालभाषां ‘बौद्ध तीर्थ २
अनुभव’ व ‘किपालु जिगु नुगःया’ कविता सफू पिहां वःगु दु ।
काय् पवित्र वज्राचार्य नेपालभाषाया सक्रिय कार्यकर्ता, दा
वज्राचार्य संगीत ख्यलय् दुसा म्ह्याय् नगिना वज्राचार्य
दुथ्याः ।



तीर्थलाल नःघःभनी

बू : ने.सं. १०५० दिल्लीध्वः १२

सी : ने.सं. ११२२ पोहेलाध्वः ७



ने.सं. १०५० दिल्लीध्वः १२ खुन्हु न्हूवहाः, थाय्मरु, येंय् बूम्ह तीर्थलाल नःघःभनीया बौ खड्गलाल भण्डेल व मां मोहनकुमारी भण्डेल खः । वय्कलं नेपाली मध्यमा, प्रवेशिका यानादिल ।

तीर्थलाल नःघःभनी धका नां कायेखतं मिखाय् 'न्हू बाखं पुचः' सफुतिइ वय्कःया 'कतांमधि' नांगु बाखं नापं छापय् जुयाच्चंगु गलबन्दी न्ययाःतःगु किपा लुमंसे वः । थ्व किपाः कालिम्पोङ्ग पिहा वइगु 'धर्मोदय' लय्पतिइ नं छापय् जुयाच्चंगु दु । वय्कः साहित्यिक जीवनया पूर्वाद्ध पाखे बाखं च्वमिकथं पिलू भागु खने दु । वय्कः साहित्य च्वयेत 'धर्मोदय' लय्पौपाखे उत्साहित ज्ञयादिल । लिपा च्वच्चं भाःबलय् भगवतीप्रसाद श्रेष्ठ वय्कःयात चित्तधर 'हृदय' नाप लाका बिल । चित्तधर 'हृदय'या तिबलं वय्कलं बाख च्वयेगु यानादिल ।

वय्कःया च्यापु बाखं मुना 'व्वघासा' नामं छगू बाखं सफू श्रेष्ठ प्रकाशनया मुखां पिहां वल । थ्व सफू धुंकाः वय्कःया मेगु बाखं सफू पिहां मवल । जीवनया उत्तरार्द्धपाखे वय्कलं अनुसन्धानात्मक सांस्कृतिक च्वसु च्वयादिल । वय्कःया अय्कः च्वसुया हाकः ताःहाः जक मजूसे दुग्यंक अध्ययन यानातःगु खनेदु । अय्कः च्वसु हिन्दू धर्म नापं प्रभावित खनेदुसा गुलिं च्वसु नेवाः संस्कृति नापं स्वानाच्चंगु खने दु । 'नेपाल संस्कृति' लय्पतिइ नं वय्कःया निबन्ध वरोवर पिहां वः । अज्यागु निबन्ध वय्कलं छयला तइगु खँपुइ छतावेस सवाः वः । पुरातत्व विभागं पिहां वइगु 'अभिलेख' पत्रिकाय् नं वय्कःया अनुसन्धानात्मक च्वसु पिहां वः ।

वय्कः लुमंकेबलय् ने.सं. १०९६ भाःयागु खँ लुमंसे वः । उबलय् जिमि त्पालं छगू नेपालभाषा कविता सम्मेलन याना । उबलय् व्वना-पौ इनेगु ज्याय् रौहिणीबहादुर कायस्थया ग्वाहालि कयाः वय्कःया छेंपाखे वना व्वना-पौ इना बया । उबलय् निसं वय्कःया थाय्मदुइ च्वंगु छें स्यूगु खः ।

जिमिसं ग्वःसा ग्वयागु सम्मेलनय् वय्कः भाया दल । सम्मेलन सिधयेकाः त्प्चाया याना च्वंथाय् वय्कलं अन दुपिं वय्कःया पासापिं नापं खँल्हाबल्हा

जूगु निगु खँ आः नं लुमना च्वंगु दनि । छगू नेपाल संवत्थात सरकार मान्यता मय्यु धका धाये मछिं, पञ्चाङ्ग निर्णायक समितिं पिकाइगु पात्रोय् थौ तक नं नेवाः भासं कछला, थिला धका च्वयाच्वंगु दनि । मेगु खः, उगु सम्मेलनय् छम्ह भाजुं उवलयाया पञ्चायत व्यवस्थायात तसकं ब्वः बिया कविता न्यंकूगु जुयाच्वन । व कविता न्यनाः वय्कलं अपाय्सकं उग्र जुया च्वये मज्यू धकाः धयादीगु निता खँ थौ नं लुमनाच्वंगु दु ।

थथे हे 'नेपाल संस्कृति' लय्पौया सच्चिगू ल्याः पिहां वःगु लसताय् जूगु छगू ज्याभवलय् वय्कलं छता खँ धयादिल । वय्कःया धापू कथं थौकन्हय् सुकुन्दां त्वाः देवा च्याका ज्याभवः उद्घाटन यायेगु चलन दु । ध्व मिलय् मजू धयागु वय्कःया बिचाः जुयाच्वन । वय्कःया बिचाः कथं सुकुन्दा धयागु जल तत्व खः, त्वाःदेवा धयागु अग्नी तत्व खः । ध्व निगूया संगम संभव मजू ।

वय्कःया थर राजभण्डारी खः । अय्सां वय्कलं नःघःभनी च्वयादी । वय्कलं उवलय् नःघःभनी थाकुथि धका नेवाः भासं नां छुना प्रेस छगू नं चलय् यानादीगु दु । थौतक वय्कलं च्वयादीगु खुगू सफूया धलः थथे दु—ब्वघासा, (वाखं), श्री तलेजु भवानीया चिकिचाधंगु इतिहास, श्री पार्वती न्यायेका बिज्यागु तीर्थयात्रा व शिवपूजा, श्री स्वस्थानी व्रतकथा, श्री हारतीमांया म्ये सफू व श्री सत्यनारायणयागु धलंया वाखं ।

वय्कः 'भी' लय्पौया व्यवस्थापन नापं नेपालभाषा विकास मण्डलया प्रधान सचिव नं जुया ज्या यानादीगु खनेदु । वय्कलं ऐतिहासिक व अनुसन्धानात्मक निबन्ध च्वया निबन्ध धुकू जायेका दीगुलिं नेपालभाषा परि पद् ने.सं. १९९५ स वय्कःयात ठाकुरलाल सिरपालं हनेगु ज्या जूगु दु ।

थाय्मदु, न्हूबहालय् बूम्ह वय्कः ७२ दँया बैसय् मन्त ।



भाषाजवा: रमापतिराज शर्मा



बू : ने.सं. १०५१ चिल्लागा: ५

रमापतिराज शर्मा ने.सं. १०५१ चिल्लागा: ५ खुन्हु ख्वपया खौमा त्वाल्य बुल । वय्क:या मांया नां पिनाकी प्रिय वल्लभा व अबुया नां रिपुभजनराज राजोपाध्याय ख: । वय्कलं थ: हे दाजु गिरीन्द्रराज शर्मायाके संस्कृत भाषां शिक्षा प्रारम्भ यानादिल । लिपा ख्वपय् च्वंगु शान्तिभक्त विद्यालयय् व विद्यार्थी निकेतनय् संस्कृत ब्वंकादिल । सूर्यवहादुर पिवा: नापया संगतयाना भाजु शर्मा थ:गु मां भाय् नेपालभाषां कविता च्वया दिल । वय्क:या दकसिबय् न्हापांगु कविता 'हुं भा:त मदुम्ह मै हं' ने.सं. १०७३ स 'धर्मोदय' लय्पतिइ पिहां वल । वय्क:या कविता 'धर्मोदय' लय्पौया थी थी ल्याखय् पिहांव:गु दु ।

ख्वपय् सूर्यवहादुर पिवा:या सम्पादनय् ल्हातं च्वया पिहांव:गु 'मत' नांगु नेवा: भाय्या पत्रिकाय् ग्वाहालि यानादिल । रमापतिराज शर्माया नुगतय् नेपालभाषाया चेतना थना ब्यूम्ह सूर्यवहादुर पिवा:या गुण लुमंका: वय्कलं थ:गु 'नेपालभाषाया बँ, नेपालभाषाया नँ' नांगु त:जिगु सफू वय्क:यात हे देछ्याया दिल ।

वि.सं. २०१० सालय् हनुमान ध्वाखाय् जूगु ऐतिहासिक नेपालभाषा सम्मेलनय् वय्कलं नं ब्वतिकया दिल । उगु सम्मेलनं थ्व ख्यलय् भन व्वातुक्क पला: न्ह्याकेत प्रेरणा ब्यूथें जुल । वय्कलं कविता च्वयातुं भ्नाल । व हे कविता मुना ने.सं. १०७८ स धर्मोदय सभां 'जिगु म्ये' नामं कविता सफू छगू पिहांवल ।

कविता च्वयेगु रहर नापं स्वाना च्वंगु वय्क:या भाषाया मतिनां थ:गु भाषाया चहपह:, स्वरूप, व्याकरण आदि सीके मा:गु वय्क:या बिचा: ख: । थ्व हे भ्ना: वय्क:या मेम्ह पासा तेजेश्वरबाबु ग्वंग:जुं अमेरिकाया भाषाविद् भाजु ब्लाड्ड माइकलभ्स्की ब्वना हया दिल । वय्क:यात नेवा: भाय् स्थस्यं थ:म्हं नं भन न्हू न्हूगु खँ अनुभव यानादिल ।

वय्क:यात भाषा विज्ञान सम्बन्धी च्वसु च्वयेत कुतुकुला च्वनीम्ह मेम्ह पासा ख:- पूर्ण वैद्य । वय्क:या इनापयात रमापतिराज कविता च्वयेगु दिका: नेपालभाषाया चह:पह: बारय् च्वयेगु यानादिल । अज्यागु च्वसु च्वयेगु भवलय्

ने सं. १०९१ स 'सितु' निला पतिइ वय्कःया 'नेपाल भाषा जिगु मिखाकुलिं - छसु: ए, ऐ, ओ, औ' म्वःतया न्हापांगु च्वसु पिहांवल । थ्व च्वसु धुंका: अज्यागु हे भाषा अन्वेषण सम्बन्धी मेमेगु च्वसु थ्व हे 'सितु' व 'भी' लय्पतिइ नं पिहांवल ।

वय्कःया अज्यागु च्वसु गुलि तक स्यल्ला: धयागु वय्कःया छपु जक च्वसु व्वने धुंकूम्ह ब्वमिं अनुभव यायेफु । वय्कलं थःगु अन्वेषणया भवलय् नेपालभाषाया गर्भय् गुलि दुहां वनेफु उलि दुहां वना छगः छगः आखलय् दुबिना थःम्हं धाये त्यंगु खं स्पष्ट यानादिइ । वय्कःया अज्यागु च्वसु व्वना चित्तधर 'हृदय' अज्यागु भाषा अन्वेषण यायेत आर्थिक ग्वाहालि नं यात । चित्तधर 'हृदय' व सिद्धिचरण श्रेष्ठपिनिगु हःपालं वय्कःयात थ्व ज्याय् न्ह्यावनेत प्रेरणा बिल । वय्कलं सफुतिं जक थःगु ज्ञां इना बियाच्वंगु मजूसे गुलिख्यय् भाषा विज्ञतय्सं वय्कः नापलाना नेपालभाषाया बारय् न्यनेकने या: वः । वय्कःया पाण्डुलिपिया लिधंसा कया पिण्च.डी तक नं या:म्ह दुगु न्यने दु ।

थौकन्हय् वय्कः नेपालभाषा साहित्य ख्यलय् उलि खने मदु । थथे हे न्हापा वय्कःया गुलि च्वसु इलय्व्यलय् पिहां वइगु खः, थौकन्हय् अथे पिहा. मवः । थौ तक वय्कःया 'जिगु म्ये' कविता मुना (१०७८), 'नेपालभाषाया बाँ, नेपालभाषाया नं' (१०९९) व 'नेपालभाषा कियातय् पुसाग्वः धुकू' (११२०) नांगु स्वंगू सफू पिहां वःगु दु । नेपालभाषा सम्बन्धी च्वसु मुना नांगु छगू सफू पिहां वये ल्य दनि ।

थौकन्हय् नेवाःतय् छेंय् छेंय् थः मस्तय्त थःगु भाय् मस्यनेगु बांमलाःगु ज्या जुयावया च्वंगु दु । थ्व सम्बन्धय् वय्कःया लुइमखा: धयागु खं छत्रबहादुर कायस्थया छेंय् जूगु छगू बहःचाधंगु ज्याभवलय् वय्कलं बांमलाक कुंख्यना दीगुलिं सी दु ।

वय्कःया नेपालभाषा अन्वेषण सम्बन्धी ज्यां सकलें प्रभावित जू । थुकिया दसि वय्कःयात थाय्थासं इलय्व्यलय् थी थी कथं हना वयाच्वंगु दु । व गथे धाःसा नेपाल साहित्य मन्दिर, ख्वपं ने.सं. १०७५ स श्री शिव सिरपाः, नेपाल भाषा समिति, यलं वि.सं. २०११ स पदक, अन्नपूर्ण क्षमापुजाया उपलक्ष्यय् वि.सं. २०१५ स पदक, च्वसापासां ने.सं. १०९७ स 'भाषा जवाः', नेपालभाषा परिषद् ने.सं. १११२ स 'भाषाथुवाः', विराट नेपालभाषा साहित्य सम्मेलन गुथिं ने.सं. १११३ स हना-पौ, नेपाल कम्युनिष्ट पार्टी (एमाले) उपत्यका समन्वय कमिटी ने.सं. ११२१ स हना-पौ व वैदिक प्रतिष्ठानं ने.सं. ११२१ स हना-पौ नं लःल्हाये धुकूगु दु ।

छगू इलय् थःगु नां ल्यूने 'चुलि' उपनां छुना तयादीम्ह वय्कलं थौकन्हय् थ्व चुलि खँग्वः च्वयेगु याना मदी । ■ ■ ■

भाषाज्योति रेवतिरमणानन्द श्रेष्ठ

वू : ने.सं. १०५२ चौलागा: १

सी : ने.सं. ११२२ चौलागा: १३



रे.र.न. स्यस्य: नामं तांजाम्हा रेवतिरमणानन्द श्रेष्ठ बौ वासुवानन्द श्रेष्ठ व मां चन्द्रमाया श्रेष्ठया कोखं ने.सं. १०५२ चौलागा: १ स न्यतपा:च्च, यैय् बूगु ख: । थौकन्हय् वय्क:पिं प्या:पुख्, लगंछ्य:, यलय् च्वनादीगु दु । वि.सं. २०१५ सालय् सीतादेवी श्रेष्ठनापं इहिपा जुइ धुंका: वय्क:पिनि कोखं सर्गत, नुगल व निलख नेवा: नां छुनात:पिं स्वम्हं कायपिं व म्हायाय् बविता छम्ह दु । अर्थशास्त्रय् एम.ए. व जनप्रशासनय् डिप्लोमा यानादीम्ह रेवतिजु वि.सं. २०१६ सालं सरकारी जागिरय् दुथ्याना: वि.सं. २०४९ कार्तिक २१ गते उप-सचिव पदं अवकास जुल ।

१६ दं दुवलय् राजनीतिइ सना: ध्व हे दैय् 'रेड क्लव' नागु राजनैतिक पुचलय् दुहां भाल । स्कूलय् ब्वनाच्चंगु इलय् हे ल्हातं च्वया 'सुहृद' नामं पत्रिका पिकयादिल । वि.सं. २००६ सालय् पासा पुचलय् 'सुहृद मण्डल' पुच: दयेका 'सुहृद पुस्तकालय' चायेकल । लिपा पुलिसया मिखा वंगुलिं दिकेमाल । बुरांछ्यलय् च्वंगु भक्त विद्याश्रमय् स्वयंसेवक जुया ब्वंका: दिल । राणा विद्रोही मण्डलय् ज्या यानादिल ।

ध्व भा: प्रेमबहादुर कसा:नाप स्वापू द:वन । ने.सं. १०७२ स इश्वरानन्द श्रेष्ठाचार्यया सम्पादनं पिहां वइगु 'राँको' नांगु खय् भाय्या साहित्यिक पत्रिकाय् प्रेमबहादुर कसा:यागु 'एकैलातमा थचक्कपार एकैवारमा खत्तम गर' म्व:यागु च्वसु पिहां व:गुलिं वय्क:पिं नापं व पत्रिकाया व्यवस्थापक रेवतिजुयात नं ज्वनेत प्रशासनं मा: जुल । वय्क:पिं स्वम्हं अण्डरग्राउण्ड जुल । थुबलय् प्रेमबहादुर कसा: नापं स्वापू दयेधुंकूगुलिं नेपालभाषां नं च्वयेगु याना दी धुंकूगु खनेदु । ने.सं. १०७२ यागु 'थौकन्है' लय्पौ दै २ ल्या: ३/४ स वय्क:या 'नेपालय् पौराणिक इतिहासया छगू भलक' च्वसु दकसिबय् न्हापां पिहां व:गु खँ 'भिक्षु ह्वनाखँ' सफुतिइ च्वयात:गु दु ।

ने.सं. १०७५ अनलास त्रिचन्द्र कलेजय् नेवा: पासापिं मुंका 'त्रिचन्द्र कलेज नेपाल भाषा साहित्य पाला' नीस्वन । वय्क: जनरल सेक्रेटरी जुल । व हे दैय् च्वसापासाया ल्यज्याय् ज्वाइन्ट सेक्रेटरी व 'स्वयम्भू विकास मण्डल'य् दुज:


सक्रिय । ध्व भ्नाः निसं वय्कः सिद्धयेक नेपालभाषा साहित्य गतिविधिइ सक्रिय जुयादीगु खने दु । ध्व हे दैय् वय्कःया न्हापांगु सफू 'मलख' कविता मुना पिहांवल । ने.सं. १०७६ स 'कपं', 'उफोस्वां' व थी थी च्वमिपिनिगु निवन्ध सम्पादन यानाः 'न्हयोखा' नापं स्वंगू सफू व हे दैय् पिहांवल ।

ने.सं. १०७८ स वय्कः च्वसापासाया दुजः जुइ धुंकाः ध्व हे भ्नाः च्वसापासाया गोष्ठीइ पाहाँ जुया भाम्ह भारतीय दूतावासया सांस्कृतिक एटाचेया न्ह्यःने च्वसापासाया नायः केदारमान 'व्यथित' हिन्दी जक न्वाःगुलिं व हे थासय् वय्कलं कुंख्यनादिल । ध्व खँयागु आधार दयेकाः वय्कःयात च्वसापासां पितिन । भाषिक संस्थाया भाषिक ज्याय् व हे भाषिक संस्थाया नायलं नेवाःत जक मुनाच्वंगु थासय् हिन्दी जक न्वचू बिया च्वंगु खं थःगु भाषाया मतिनागुलुम्ह वय्कलं सःयाये फुगु खँ मजुल । उकिं वय्कलं थासय् हे कुंख्यना दिल । वय्कः ने.सं. १०७८ स च्वसापासां पितिने धुंकूसां व हे दैय् नेपालभाषा विकास मण्डलय् कार्यकारी दुजः जुया ज्या यानादिल । थथे ने.सं. १०७२ निसं ने.सं. १०८३ तक वय्कः नेपालभाषा ख्यलय् सक्रिय जुयादिल । ध्वयां लिपा अनथन मदयेक तन ।

ने.सं. ११०८ स मोतिलक्ष्मी उपासिकायात अभिनन्दन याःगु ज्याभ्वःया दबुलिइ वय्कः आकाभाकां दंभाल । ने.सं. १०८३ निसं खने मदयाच्वम्ह २५ दं लिपा ने.सं. ११०८ निसं न्हापायागु हे जोश, जाँगर ज्वना हानं सक्रिय जुयादिल । पत्र-पत्रिकाय् हानं नेवाः च्वसु खनेदत । ने.सं. ११११ स 'प्राचीन नेपालय् जुयावखँ' सफूया च्वमि जुया पिहांभाल । थुबलय् वय्कः उमेरं भचा ज्याथः जुइधुंकूसां ज्यां न्हापायाम्ह ल्याय्म्हम्ह रे.र.न. स्यस्यः स्वयां कम मजुगु खने दु । पत्र-पत्रिकाय् जक वय्कःया नां ध्वःधुइगु मजुसे नेवाः भाय्था ज्याभ्वः जुइगु न्ह्यागु थासय् नं ध्वःधुइम्ह जुल । वय्कःया नेपालभाषां पिहांवःगु सफू थथे दु- मलख (कविता), कपं (बाखं), उफोस्वां (म्येबाखं), उलः (कविता), भिपु ह्वनाखँ (निवन्ध), नेपाल धर्मदर्शनया खँत, जिगु छुं धार्मिक च्वखँ, ईश्वर गीता, धर्म दर्शनया छुं सीकेबहःगु खँ, प्राचीन नेपालय् जुयावखँ, नेपाल सम्बतया बारे जिं छु छु च्वया, 'थौ कन्हे' लय्पौ व छुं सम्पादकीय आवाज, नेवाः, नेवाः भावना, नेपालभाषाया छम्ह तपस्वी छत्रबहादुर कायस्थ, शिव लुमन्ति, न्ह्यखा, माणिकलाल श्रेष्ठ व्यक्तित्व व कृतित्व । नेपाली भाषाय् प्यंगू सफू पिहां वःगु दु ।

वय्कलं थौकन्हे, नेपालभाषा पत्रिका, भ्नी, नेपाल साहित्यिक पत्रिकाय् ज्या यानादिल । साहित्यया मूलुखां 'भाषाज्योति' पदं हंगु दु । नापं गुणराज पुरस्कार नं प्राप्त जूगु दु । वय्कलं च्वसापासा, नेपालभाषा परिषद, नेपालभाषा एकेदमि नापं मेगु भिगुलिं मयाक खलः/पुलचय् ज्या यानादीगु दु ।

थः याकनं देहावसानं जुह्वनं ध्यायन् वयःकालाके पूर्वं आभासं जूगुलिं
डा कमलप्रकाश मल्लया व्यक्तित्वं सफू याकनं सिधयेके माःगु खं वयःकलं प्रेसय्
ज्यायाइपितं नापं छत्रवहादुर कायस्थयात ध्यादीगु जुयाच्चन । वयःकलं पूर्वानुमानं
याःथें छुं मज्जु शरीरं वहनी आकाभाकां हर्ट आटाय्क जुया ७० दंया उमेरय्
पाटन अस्पतालयय् मन्त ।



भाषाथुता: भिक्षु सुदर्शन महास्थविर

बू : ने.सं. १०५४ तछलागा: १०

सी : ने.सं. ११२२ दल्लाध्व: १२



बहीननी, ओकुबहा: यलय् च्वंम्ह न्हुछेराज शाक्य व हर्षमाया शाक्यया कोखं दातिम्ह काय् जुया ने.सं. १०५४ तछलागा: १० खुन्हु रुद्रराज बुल । गुच्चा म्हिता नयेगु इलय् अबुं सदाया नितिं त्व:तावन । अय्सां मामं थाकु मफु सहयाना ब्वलंकल । रुद्रराज मचाबलय् निसें ब्वनेगुलिइ जक मखु न्यागु ज्याख्यं नं न्ह्य:ने ला: । उकिं बुद्धघोष भन्तेया विहारय् आख: ब्ववइम्ह रुद्रराज य: । छन्हु बुद्धघोष भन्ते नं छ त:धिक जुइ धुंका: छु जुइगु धका न्यंबलय् रुद्रराज भन्ते जुइगु धाल । सन् १९५० स श्रावणेर् जुया बिज्यात । सन् १९५४ स हिन्दी साहित्यय् “कोविद” उत्तिर्णयाना बिज्यात । वि.सं. २०२४ सालय् नेपाल राष्ट्रिय विद्यापीठ, वीरगञ्ज नेपालभाषां “साहित्यरत्न” यानाबिज्यात । नेपाली इतिहास, संस्कृति व पुरातत्वय् एम.ए. याना २०३५/४/२० गते निसें त्रिभुवन विश्व विद्यालयय् ध्व हे विषय ब्वंका: वि.सं. २०४० साल निसें कीर्तिपूर बहुमुखी क्याम्पसय् पदस्थापना जुया “बुद्ध धर्म व दर्शन सम्बन्धि कोश” संचालन यायेगु ज्या तालात । लजगा:या भवलय् आनन्दकुटी विद्यापीठया सुपरिटेण्ट जुया वि.सं. २०१२ निसें १४ तक व हे विद्यापीठया शिक्षक जुया बिज्यात ।

वसपोल मचानिसें थ:गु धर्म, मां भाषा, संस्कृति, राष्ट्र व जनताप्रति सचेतम्ह जुया थ:गु मां भासं च्वयेगु याये धुंकूसां १७ दँ दुबलय् ने.सं. १०७१ स धर्मोदय लय्पतिइ (पूर्ण ल्या: ४८-४९)स दकसिबय् न्हापां “अनाथपिण्डक” नांगु बाखं पिहां वल ।

वि.सं. २०२२/११ गते निसें रेडियो नेपाल नेपालभाषा समाचार लिका:गुलिं वसपोल विरोध या:गु द्वपनय् सुरक्षा कानून अन्तर्गत खुला व खुन्हु कुन । वसपोलयात ज्वना यंकूबलय् प्रा.आशाराम शाक्य सत्यमोहन जोशीयात च्वया त:गु पौया छत्वा:चा थन न्ह्यब्वयेगु त्वइ । स्वयादिसँ – “... .. नेपाल भाषा रेडियो नेपाल लिकया बिलधका भाषण यागुलिं भिक्षु सुदर्शन श्रावणेर्यात ३० गते सुरक्षाकानून अन्तर्गत ज्वन । भिनखुपुति थ्यना च्वोम्हेसित मेगु छपा चक्कि वोबले एक्का हे वोथें जुल ।... .. आशाराम शाक्य”

ने.सं. १०७५ स वसपोलया दकसिवय् न्हापांगु सफू कथं “अम्बपाली” पिहांवल । थथे थीथी इलय् याना थौ तक अनया गुंगू मौलिक प्याखं पिहां वये धुकूगु दु । नेपालभाषाय् दकसिवय् अप्वः प्याखं च्वया बिज्याम्ह अन हे खः । वसपोलया “विजयया विश्वासघाट”, “भावना”, “सिद्धार्थ” व “जि वया ला लच्छि मदिनि” नांगु प्यंगू प्याखं पिहां मबनि । थुलि मछि प्याखं च्वया बिज्याःगु छगू खं दुगु जुया च्वन । तःदँ न्त्यः च्वसापासाया ग्वसालय् कन्यामन्दिर स्कूलय् जूगु नेपालभाषा साहित्य सम्मेलनय् प्रेमबहादुर कसालं भन्तेपिनि ई भोजन बिज्यायेगु, परित्राण पाठ यायेगु ज्याय् जक अप्वः वनाच्वन, सिर्जनाया ज्या दिनाच्वन । न्हापा थें भन्तेपिन्सं नेपालभाषा साहित्ययात ग्वाहालि याना न्त्यज्याना बिज्याये माल धका न्वचु बिया दिल । दबू न्त्यःने विराजमान जुया बिज्याःम्ह सुदर्शन भन्ते नं भन्तेपिनि पाखें गज्यागु ग्वाहालि माल धका न्त्यसः याना बिज्यात खनि । लिसलय् प्रेमबहादुर कसालं भन्तेपिनि पाखें प्याखं साहित्यया ग्वाहालि याना बिज्याःसा बांलाइ धया दिल । न्वाये माःपिन्त न्वाइम्ह, हनेमाःपिन्त हने सःम्ह वसपोलं प्रेमबहादुर कसाःया इनाप स्वीकार यासे अन हे सन् १९७० तकया दुने थःम्हं १२ गू प्याखं च्वया बीगु बचं बिया बिज्यात खनि ।

थःम्हं बियावःगु बचं पूर्वकेत वसपोल तानसेनय् वर्षावास च्वबिज्यात । लच्छिया दुने ६।७ गू प्याखं च्वया वर्षावासया ई ज्वःछिं १२ गू प्याखं च्वयेगु बचं पूर्वकल । “विजय” प्याखं च्छिं च्वये क्वचायेकूगु जुल । वसपोल उवलय् तानसेनय् वर्षावास च्वबिज्यागुलि अनच्वपिं तःम्ह मछि नेवाःतय्त नेपालभाषा पाखे मन क्वसाकेगु ज्याय् ताःलाःगु खने दु । उकिइ मध्ये बाखंच्वमिपिं प्रकाश प्रधानाङ्ग व पुष्पलतापिं नं खः ।

वय्कः बुद्ध धर्मया प्रचारक जक मजूसे थी थी कथं नेपालभाषाया साहित्य नापं संलग्न जुया बिज्याम्ह नं खः । साधारणतया नेपालभाषा नापं क्वय् च्वया कथंया योगदान लुमंके फु । वसपोल कालिम्पोङ्ग पिहांवइगु ‘धर्मोदय’ लय्पौया अन्तरंग सम्पादक, नेपालभाषा परिषदया उप-सचिव, ‘नेपालभाषा पत्रिका’ न्हिपौ व ‘लुम्बिनी’ लय्पौ, ‘वैशाख-पूर्णमा’ दंपौया सम्पादक, ‘दबू’ नेपालभाषाया प्याखं मुनाः व प्रज्ञानन्द स्मृति ग्रन्थ या सम्पादक, नेपालभाषा एकेदमिया भाइसचान्सलर नं जुया बिज्याये धुकल ।

वसपोलं नेपालभाषा एकेदमियात छगू त्या लख दां दुन्ता (समर्पण) याना बिज्यात । वि.सं. २०२२ सालया भाषिक आन्दोलनया भवलय् गुलिछ्यय् नेपालभाषाया कार्यकर्तातय्त प्रशासनं ज्वन । थ्व हे भवलय् दुर्गालालजु नं अन्डरग्राउण्ड च्वनेमाःगु अवस्था वल । उवलय् दुर्गालाल आखः ब्वांकाः च्वंगु कन्यामन्दिर स्कूलय् आखः ब्वांकाःवनेगु अवस्था मन्त । वय्कलं आखः ब्वांकेमाःगु

ज्या सुदर्शन भन्ते नं व्वंकाः दुर्गालालया छेय् भुतलिङ्ग मिं च्याकेगु ज्याय
ग्वाहालि याना विज्याःगु जुया च्वन । थ्व उदारता भयव्यूगु ज्या मेपिन्त कनेगु
दुर्गालालजुया इच्छा खनिं । तर सुदर्शन भन्तेया थ्व मेपिन्त सीका च्वनेमाःगु खं
मखु धका आखः तःग्वः यानाच्वनेगु इच्छा मदुगुलिं थ्व खं त्वःपुया हे तःगु
जुयाच्वन । जब सुदर्शन भन्ते मन्त उबलय् तिनि दुर्गालालजुं थ्व खं सार्वजनिक
याना दीगु जुल ।

वसपोलं च्वया विज्याःगु “जुजु जयप्रकाश” प्याखनय् श्रेष्ठ सिरपा प्राप्त
जूगु दु । अथे हे वसपोलं गोकुलचन्द्र पदक, महेन्द्र विद्याभूषण, भाषाथुवा,
धर्मवहादुर धास्वा सिरपाः नं प्राप्त याना विज्याःगु दु । वसपोलं च्वयाविज्याःगु
मौलिक प्याखं सफूया नां- अम्बपाली, राष्ट्रपाल, जुजु जयप्रकाश, बिम्बिसार,
आशंका, सुप्रिया, प्रतिशोध, कथि जूम्ह मनू व पटाचारा खः । तःघंगु चीधंगु
याना थी थी मुक्कं ८० गू सफू पिहां वःगु दु । अनं नेपालभाषा, नेपाली व
अंग्रेजी च्वया विज्याः ।

चान्हिं नेपालभाषाया भिंतुनीम्ह भिक्षु सुदर्शन महास्थविर उच्च रक्तचाप,
चिनील्वय् नापं सामना यायां अन्तिमय् आकाभाकां हृदयघाट जुया गंगालाल
हृदय रोग निवारण अस्पतालय् आई सी.यू.लय् तया वासः यायां ६८ दँया
उमेरय् मन्त ।



विष्णु “अल्पज्ञ”

बू : ने.सं. १०५६ कौलागा: २



विष्णु ‘अल्पज्ञ’या पूर्वगु नां विष्णुप्रसाद श्रेष्ठ खः । अबु मंगलप्रसाद श्रेष्ठ व मां धनकुमारी श्रेष्ठया कोखं ने.सं. १०५६ कौलागा: २ खुन्हु बूम्ह विष्णु ‘अल्पज्ञ’ मांबौया न्हापांम्ह काय् खः । वय्कःया थः हे मांया पाखें वय्कः व किजा छम्ह दु । उम्ह किजा न्हाय्पं मताःम्ह खः । थौकन्हय् ध्व हे निम्ह दाजु किजापिं नापं च्वना जीवनया रथ न्ह्याका च्वना दीगु दु । चिरिमांया पाखें न्याम्ह किजापिं व निम्ह केंहेपिं दु । वय्कः मचाबलय् हे थः मां मन्त । तिरिमय्जु विद्यालक्ष्मी वि.सं. २०३५ असार गंवचं मन्त । वि.सं. २०४७ सालय् थः अबु मन्त । निम्ह म्हाय्पिं न्हापा हे मन्त । वि.सं. २०५३ सालय् थः दतफतं याकः सन्तान जुया छें जः थें जुया च्वम्ह याकःपुता त्रिलोचन नं २५ दया लक्का जवानया इलय् हेपाटाइपिस बी ल्वचं कयाः मन्त ।

भाजु ‘अल्पज्ञ’ आई.ए. तक शिक्षा हासिल याना तःगु दु । वय्कलं इल्हन, यलय् च्वंगु आदर्श सरल विद्यालयय् आखः ब्बंकाः दिल । वि.सं. २०१७ सालं निसैं वि.सं. २०३० साल तक त्रिसुली व बाह्रबिसेय् च्वंगु स्कूलय् नं ब्बंकादिल । ध्वया लिपा स्वास्थ्य मन्त्रालय, वजेट विनियोजनय् अस्थायी ज्या यानादिल । लिपा ज्यालादारीइ नियुक्ति जुल । वि.सं. २०४७ साल तक थन ज्या यानादिल ।

वय्कः ब्वनादीगु स्कूलय् ब्बंकीपिं रत्नध्वज जोशी थें ज्याःपिं साहित्यप्रेमिपिं मास्टर जुया वय्कःया नं साहित्यय् रुचि दत । उकिसनं उबलय् पिहां वइगु ‘धर्मोदय’ व ‘पासा’ पत्रिका नं ब्वने दुगुलिं नं नेपालभाषा व साहित्यय् तक्ष्यन । दकसिबय् न्हापां वि.सं. २०२७ सालय् ‘भी’ पत्रिकाय् वय्कःया बाखं पिहां वल । वय्कलं निपु स्वपु जक बाखं च्वयादिल । अप्ठः कविता च्वयादिल । लिपा वयाः कविता स्वयाः नं निबन्ध च्वयादिल । वय्कःया अप्ठः निबन्ध नेवाः संस्कृति नापं स्वानाच्वंगु खने दु ।

वय्कलं पञ्चायत कालय् रेडियो नेपालय् न्ह्यानाच्वंगु नेपालभाषाया ‘जीवन दबू’ ज्याभ्वलय् बाखं व कविता वाचन यानादिल । उबलय् छपु रचना वाचन याइपिन्त १६ तका पारिश्रमिक ब्यूसां वय्कलं धाःसा कायेमनं । वय्कलं

जीवन दबुलिइ न्यंकूगु गनय छःया बाखं प्रेमबहादुर कसालं न्यनादिल खनिं । व लोकबाखं पहःयागु बाखं वांलाःगु जुया प्रेमबहादुर कसालं मदनमोहन मिश्रयात व बाखं कायेके व्छयाहल । विष्णु 'अल्पज्ञ' व बाखं भाजु मिश्रयात वियाव्छुत । लिपा व हे बाखनय भाय् भचा पाकाः 'कांयात ज्ञा' नामं न्यंकं बाखं सफुतिइ पिहांवल । व बाखंया संकलक विष्णु 'अल्पज्ञ'या नां मजूसे प्रेमबहादुर कसालं मुंकाः तःगु धका पिहां वःगुलिं वय्कःया नुगलय् स्याःगु थौतक नं मलनि ।

ने.सं. १०८० स वय्कःया 'नैराश्य' नांगु कविता सफू श्रेष्ठ प्रकाशनया लुखां पिहां वल । वि.सं. २०३५ साल भाः, नेपाल संवत्यात कया छम्ह गैर नेवालं विवाद पितहल । उकिइ वय्कलं 'नेपाल पोष्ट' व 'मानस' नांगु नेपाली भाषाया पत्रिका मार्फत नेपाल संवत्या पक्षय् क्वातुक च्वयादिल ।

ने.सं. १११५ स लोक साहित्य परिषदया लुखां 'जि व जिया दुने' नांगु निबन्ध सफू पिहांवल । थ्व धुंकाः ने.सं. ११२१ स 'कय्ता' नांगु बहःचाधंगु निबन्ध सफू नं पिहां वःगु दु । थ्व सफुलिइ प्रकाशकया नां च्वया मतःसां सफू पिकायेत माःगु दांया ग्वाहालि पं. हेमराज शाक्यं याना दिल ।

वि.सं. २०५८ भाद्र २८ गते वय्कः थःगु क्वाथाया लुखा क्वसं बेहोस जुयाचवंगु खना वय्कःया किजा हरिहर श्रेष्ठ वीर अस्पतालयय् भर्ना यानादिल । माःगु वासःतासः नं यानादिल । उच्च रक्तचापया कारणं बेहोस जुयाचवम्ह वय्कः पक्षाघात जुल । वासः याना जःगु पाखे आघात लानाः भचा थाकुक्क उखेथुखे जुइफत । जःगु ल्हातं नयेगु, च्वयेगु छुं कथंया ज्या याये मफु । वय्कःया थी थी कथंया निबन्ध च्वयेगु बिचाः दु । तर ल्हातं मव्यगुलिं च्वये मफु ।

२५ दँ कयँजक कयँम्ह काय्या कमाइ नये त्ययेकाः आकाभाकां इमां खाचा दाया यंकूथें कालं थः काय्यात दाया यंकूगु घटनां थौकन्हय् भावविक्ल जुया वः धका कनादिल । वय्कःया काय् त्रिलोचन मदये धुंकाः वय्कःयात नेपालभाषाया शुभचिन्तक पासापिसं छुं आर्थिक ग्वाहालि नं जुल । जिन्दगी दुःखमय खःसां थःम्हं उलि दुःख मताः, तर थौकन्हय् छेंय् याकःचा जुया ज्या याइपिं मदया जक दुःख ताः धयादीम्ह वय्कःया थौकन्हय् न्हिं स्वता वासः मदिक्क नयाच्वने माःसां वय्कलं न्हिथं सन्ध्या टाइम्स स्वयेगु त्वःतामदी । चालाछें, नुगःत्वाः, यलय् च्वनादीम्ह विष्णु 'अल्पज्ञ' सतिक जुइगु छुं नं कथंया नेपालभाषाया ज्याभवय् आः नं मफुमफु ब्वति कयादी ।

रोहिणीबहादुर कायस्थ



बू : ने.सं. १०६० आषाढ शुक्ल ९

अबु नरबहादुर कायस्थ व मां ज्वालादेवी कायस्थया कोखं ने.सं. १०६० आषाढ शुक्ल ९ खुन्हु बखुंबहाल, यलय रोहिणीबहादुर कायस्थ बुल । वयकः नेपालभाषाया च्वमि छत्रबहादुर कायस्थया सद्दे दाजु खः । तःपालं सुरुवाःया छःने कोट फिना तपुलि पुयातइम्ह थ्वयकः रोहिणीबहादुर कायस्थं न्हापा न्हापा थःगु मां भाय् व संस्कृतिया मू मथू । साहित्य सम्मेलन धयागु नं छु मस्यू । उबलय अज्यागु साहित्य सम्मेलन धयागु जु नं मजू । पासापिं नापं जुयाच्चवं थःगु मां भाय्या बारे थुयावल । वि.सं. २०१९ साल पाखे वयकःयाके मां भाय्या चेतना दयाःवल । पासापिं नापं मुनाः क्वथा साहित्य गोष्ठी यायेगु यानादिल । पं. हेमराज शाक्यपिंसं धर्मादित्य धर्माचार्यया बारे खंलाबल्हा याइगुलिं वयकःया नेपालभाषाय् देन नं सियाःवल । धर्माचार्ययात वयकलं म्हस्युसां खं ल्हाये मनं ।

वि.सं. २०१९ सालय भाषा, साहित्य थकायेगु आज्जु तयाः वयकः व किजा निम्ह जानाः साहित्यया मूलुखा नामं छगू साहित्यिक संस्था नीस्वना दिल । वि.सं. २०२२ सालय रेडियो नेपाल नेपालभाषाया समाचार लिकाये धुंकाः उकिया विरोध कथं त्वाःत्वालय् जूगु नेपालभाषा साहित्य सम्मेलन साहित्यया मूलुखां छकलं अप्वः जुल ।

थ्व हे भाः वयकः गाःबहालय् च्वंगु हुलाकय् ज्या यानाच्चंबलय् सी.आइ.डी. वयाः डी.एस.पिं सःतूगु दु धका ब्वना यंकल । डी.एस.पि.कार्यालयय् थ्यंकाः डी.एस.पिं थःपिंसं यानागु साहित्य सम्मेलनय् छम्ह भाजुं च्वंगु कविताया बारे आपति तायेकाः न्यनेकने यात । अथे वयकःयात न्यनेकने याये न्हयः कविता ब्वम्हेसित न्हापा हे न्यनेकने याना अन च्वंगु कविता ग्व धका न्यने धुंकूगु जुयाच्चन । कविता ब्वम्हं कविता आयोजकयाके हे दु धका धाःगुलिं आयोजक रोहिणीबहादुर कायस्थयात सःताः न्यनेकने याःगु जुयाच्चन । वयकलं छैय् वया उगु कविता माला स्वत, तर कविता लुयामवः । कविता ब्वम्हं हे ज्वना वंगु जुया कविता छैय् लुयामवःगु जुयाच्चन । वयकलं डी.एस.पि.यात अथे हे धया दिल । डी.एस.पि. पत्याः मजुया वयकःया छैय् तक नं खोजतलास याकेहल ।

थथे हे छकः 'ज्वलान्हायक'या सापारु ल्याः पिकाःबलय् पत्रिका छापय याःगु यलय् च्वंगु प्रेसय् वय्कःयात पुलिसं माःवःगु जुयाच्चन । अवले वय्कः येंय् भायाच्चंगु जुयाच्चन । यलय् लिहां वःबलय् थःयात ज्वना यंकल धका न्यंकन हल्ला जुयाच्चन । थथे हे वि.सं. २०२४/२०२५ सालय् पाखे न्हूदया लसताय् ज्याभवः तःबलय् उबलय्या मेजिष्टर अफिसया चःबिइ न्हिछि कुनाहल । थथे तःक्वःमछि कुसां वय्कः लिचिला मदी । छकःपतिं ज्वनाय्कूसां वय्कलं वि.सं. २०२४ सालय् साहित्यया मूलुखां 'ज्वलान्हायक' नापं नेपालभाषाया साहित्यिक पौ पिथना दिल । व हे दैय् बु.सं. २५११ सालय् हखबहाः, यलया बुद्ध जयन्ती पाला खलकं 'शान्ति विजय' पिहां वल । थ्व निगुलिं पत्रिकाया सम्पादक वय्कः हे खः । थ्व निगू पत्रिका पिहां वयाच्चंगु दु । 'ज्वलान्हायक' न्हूदं व 'शान्ति-विजय' स्वांयापुन्हि खुन्हु पिहांवयाच्चंगु दु । यलं थी थी साहित्यिक पौ पिहांवःगु दु । उबलय् अथे पिहां वयाच्चंगु पौ मध्ये नां जाःगु 'ज्वलान्हायक' व 'शान्ति-विजय' खः । ३७ दै दयेधुंकूगु साहित्यया मूलुखां तःधंगु चीधंगु यानाः बासःगुलिं मल्याक सफू पिहां वये धुकूगु दु ।

भापाजवाः ज्यानबहादुर नेवाःया अभिनन्दन नापं नेपालभाषाया शिरोमणी वैकुण्ठप्रसाद लाकौलं 'लाकौल सिरपा' घोषणा याःगु लसताय् वय्कःयात अभिनन्दन यायेगु ज्या नं जुल । इलय्व्यलय् साहित्य व संगीत सम्मेलन नापं थी थी कथया धेंधेंवल्ला कासा नापं यलय् थःगु पसःया साइनवोर्डय् नेपालभाषा छयःपितं हनेगु ज्या नं जूगु दु । छभाः 'साहित्य सिरपा' नामं छगू सिरपाः घोषणा याना छुं दंतक सिरपाः बीगु ज्या जूगु दु । वय्कलं भिंयंगुलिं मयाक संघ, संस्था नीस्वना तःगु दु । भाषाया लागि थःम्हं छु गुलि याना उकिइ थः लुदंसां थःम्हं सीदयेक छुं याये फुगु मखु धयादिसें भाषाया सेवाय् जुया थःयात म्हमस्यूपिं नं थःगु नां काल कि म्हस्यू । आः न्हापा थें नेपालभाषाया पत्र-पत्रिका स्वइपिं मदुगुलिं आःया ल्याय्म्ह पुस्तां थःयात उलि म्हमस्यू धयागु वय्कःया अनुभव दु । नेवाःतय्सं थः मस्तय्त थःगु भाय् मल्हाकुगुलिं वय्कःया नुगलय् स्याः । अज्याःपिं नेवाःतय्सं यानाः वय्कः छकः निकः निरास नं जुयादी । स्कूलय् खय् भासं स्यनी धाय्वं नेवाःया मस्तय्त थःगु भाय् ल्हाके हे मजिउगु मखु । छैंय् नेवाः भाय् ल्हाना नं ततःधंगु ज्या यानाच्चपिं नेवाःत यक्व दु धयादी ।

भापाया लागि छुं यायेत आः राणा इलय् थें थाकु मजूसां वि.सं. २०५६ जेठ १८ गते सर्वोच्च अदालतया भाषा सम्बन्धि फैसला सन्तोषजनक मजूगु वय्कःया विचाः दु ।

मेपिनिगु थी थी सफू पिथना दीसां थःगु छगू हे सफू पिहां मवःम्ह वय्कःया थःगु कीर्ति स्वयां नं मेपिनिगु कीर्ति पिकया बीगु इच्छा खने दु । पत्रिकाया लागि उखेंथुखें विज्ञापन व च्वसु मुनेत पातापाता जुयाच्चने मदुम्ह वय्कः छुं इलनिसें नसाया ल्वचं यानाः याकःबकः गनं तापाक भाये मफु ।

सुन्दर मधिकर्मि

बू : ने.सं. १०६३ म्हपुजा

सी : ने.सं. ११२३ चिल्लागा: ७



सुन्दर मधिकर्मि अबु हरिनारायण मधिकर्मि व मां उज्याली मधिकर्मिया कोखं ने.सं. १०६३ म्हपुजा खुन्हु गोमरि त्वा:, ख्वपय् वुल । इतापाको, सल्लाघारी, ख्वप वय्क:या न्हाबाय् ख: । वय्क:या तिरिमय्जुया नां सुमित्रा मधिकर्मि ख: ।

स्कूलय् ब्वनेगु इलंनिसें वय्कलं स:थे मस:थे कविता च्वयादिल । पब्लिक हाईस्कूलय् ब्वनाच्चंबलय् अन जुइगु साहित्यिक ज्याभवलय् कविता न्यंका: ब्वति कया दिल । न्हापांगु दैय् व मेगु दैय् ल्यूयांन्यू सिरपा त्यात । वि.सं. २०१६ सालय् 'फा' नांगु कविता च्वया छगू गोष्ठीइ न्यंका दिल । उबलय् वय्क: १६ दं जक दुगु ख: । १९ दं दुबलय् विराट नेपालभाषा साहित्य गुथिइ दुथ्याना ज्या याना दिल । दकसिबय् न्हापा विराट नेपालभाषा साहित्य सम्मेलनय् 'ग्याये मते ग्याये मते पासापु' कविता न्यंका दिल । लिपा थ्व गुथिया दुज:, छुयाञ्जे, नाय: व सल्लाहकार तक नं जुल । थ्व गुथिइ हे वय्क:या साहित्यिक जन्म जूगु वय्क:या धापू दु । वय्कल थ्व गुथि हे थ:गु हामा: कथं नालादिल । कविता नापं बाखं, प्याखं, ख्याल: व म्ये नं च्वयादीगु दु । न्याय्महया जोशय् वय्कलं 'सर्वहारा' बिनां (उपनां) छुनादिल । लिपा थ्व बिनां त:गु खने मदु ।

वि.सं. २०१८ सालय् ल्हातच्च्वया: 'सकलें दै' पत्रिका वि.सं. २०२५ साल तक पिकया दिल । वि.सं. २०२९ सालय् वय्क:या सम्पादन व प्रकाशनय् 'लबु' निलापौ पिहां वल । ने.सं. १०९५ निसें थ्व पत्रिका जि.का.धादिङ्गय् दर्ता जुया पिहांवल । थ्वयां न्हय: थ्व पौ प्यलापौ जुया वयाच्चंगु लिपा स्वला पौ जुया पिहांवल । उबलय् थ्व पत्रिका लोकन्हा: । प्रगतिशील पक्षयागु च्वसु जक छापे जुइगु थ्व पत्रिकाय् न्हय:ने लागु रचना पिहां मव: । पूर्ण वैद्य, माणिकलाल श्रेष्ठ, चित्तधर 'हृदय', रमापतिराज शर्मा, पद्मरत्न तुलाधर थें च्वन्ह्या:पिं च्वमिपिनिगु खंल्हाबल्हा पिहांव:गु दु । प्रेमबहादुर कसालं बिसर्ग मत:से च्वयेगु, फणीन्द्रतल वज्राचार्य चिना आख: म्हो छयला: जिउथाय् तक छग: छग: आख: हे च्वयेगु, इश्वरानन्दया भायलचं कथं छभा: ट,ठ,ड,ढ,ण,श,ष,ज थें ज्या:गु नियम नं छय:गु दु । ने.सं. १०९६ दै १ त्या: ४ निसें थ्व मछयल ।

न्हापा वय्कलं थःगु नां पुवंक मच्चःसे सुन्दर जक च्वइगु खः । 'लबु' दत्ता जुया वःगु दँ १, ल्याः २ निसं सुन्दर मधिकर्मि च्वयेगु याःगु खनेदु । अप्वः नेवाः भाय्या च्वमिपिसं थःगु नां नेपाली भाषाया भायलचं कथं थरया ल्यूनेया आखः दीर्घ याना च्वइ । तर वय्कलं अथे मयासे नेवाः न्वसः (उच्चारण) कथं ल्यूनेया आखः दीर्घ मयाःसे इस्व हे याना 'मधिकर्मि' हे च्वयादीगु दु ।

थौं तक वय्कःया मुक्कं न्ह्यगू सफू पिहां वःगु खने दु । 'लबु गुगु दनावइ', आल तनी मखु, फसय् थ्वयाच्चंगु म्ये, थःगु हे घालं, आकाश पियाच्चनी, जिगु म्हगसया जाः व सुन्दर मधिकर्मिको कविता संग्रह । ने.सं. १०९८ स वय्कःयागु सम्पादन व प्रकाशनय् 'न्ह्यैपु छ्यः' नांगु छगू पत्रिका पिहां वःगु दु । 'लबु गुगु दनाः वइ' 'आल तनी मखु' निगू सफू श्रेष्ठ सिरपाः प्रतियोगिताय् दुथ्याका दिल । तःदिनिसं नेपालभाषा सेवा यानाः वःपिनिगु धलखय् वय्कः नं लाः । वय्कलं तःदँ न्ह्यःनिसे नेवाः भासं च्वया वयाच्चंसां ने.सं. १०८५ स 'सितु' पत्रिकाय् 'भुन्दु अय्, भुन्दु' नांगु कविता दकसिबय् न्हापां पिहां वःगु खँ वय्कःया 'जिगु म्हगसया जाः' सफुतिइ च्वयातःगु दु ।

वय्कःयात छम्ह भाजुं छं कविता च्वया नइ मखु धका धाःगुलिं जिं कविता च्वयां त्वःते धका कुतः यानादिल । कवि हे जुया त्वःतल । वय्कःयात नेपाली भाषां च्वइपिं पासापिसं नेपाली नं च्वयेत इनाप याःसां सरकारं थःगु भाषायात क्वत्यला तःगुलिं थःगु मां भाय् त्वःता मेगु भाषां च्वये हे मफूगु खँ वय्कलं धयादी । यदि विश्वविख्यात रविन्द्रनाथ ठाकुरं नोबेल सिरपाः काःगु 'गीताञ्जली' महाकाव्य बंगाली भाषां मच्चःसे अंग्रेजीं च्वःगु जूसा बंगाली भाषाया गथे इज्जत च्वनी ? धयागु वय्कःया बिचाः खः । नेपालीं च्वल कि सकसिनं थू, उकिं नेवाः भाषां स्वया नेपाली भाषां च्वयेमाः धका धाइपित वय्कःया थ्व छगू स्यल्लाःगु ध्याचू खः ।

वय्कःया जीवनया उत्तरार्द्धय् अथे धयागु वि.सं. २०५७ असार २० गते आकाभाकां च्व फायेमफया चान्हय् हे वीर अस्पतालयय् यंकेमाल । जाँच यायां वंबलय् वय्कःया सिपाय् (अण्डकोशय्) क्यान्सर जुइ धुंकूगु सीदत । अप्रेशन जुल । रेडियोथेरापी याउँया वन । निदँ तक वय्कः छुं मजुपिं थें खने दत । क्यान्सर प्याथय् थ्यंक न्यनावने धुंकूगु जुयाः लिपा हानं वय्कःया त्वय् आकाभाकां लिथ्वयाः ६० दँया उमेरय् मन्त ।

वय्कः मदये न्ह्यः वय्कःया योगदानयात कदर याना विराट नेपालभाषा साहित्य गुथि व नेवाः देय् दबुलिं अभिनन्दन यात । थथे हे नेपालभाषा मंकाः खलः, यल व नेवाः एफ.एम.पुचलं आर्थिक ग्वाहालि जूगु खः । वि.सं. २०५९ सालय् वय्कःयात 'लुमिन श्रेष्ठ नेपालभाषा सिरपाः' प्राप्त जूगु दु । ■ ■ ■

ज्यापु पञ्च

बू : ने.सं. १०७१ थिलाथ्वः ४

सी : ने.सं. ११२३ पोहेला



ज्यापु पञ्च धाल कि अप्वःसिनं स्वां सम्बन्धि च्वइम्ह धका म्हसीइ धुंकल । थथे ज्यापु पञ्चया म्हसिका नेवाः स्वां नापं स्वाये धुंकल । वय्कल उबलय् नं ज्यापुज्या (कृषि) सम्बन्धि हे च्वयादीगु खः । ज्यापु पञ्च गबले पञ्चनारायण, पञ्च महर्जन जुया छापय् मजू । वय्कः न्ह्याबले ज्यापु पञ्च हे जुल । थ्व हे नां अप्वः छयलाबुला जुयावःगु नां जुल । पासा पुचलय् पञ्च ज्यापु पञ्च महर्जन धायेगु स्वयाः अप्वःसिनं लः थें सरररवंक ज्यापु पञ्च धायेगु याः । वय्कलं संस्कृति सम्बन्धि थी थी च्वसु च्वयादीगु दु । वय्कलं गुलि च्वसु च्वयादिल धयागु ल्याःचाः मदु । पुलांगु पत्र-पत्रिका पुइकेबलय् वय्कःया च्वसु थाय्थासय् ध्वःधू । नेवाः भाय्, नेवाः संस्कृति व ज्यापु सभ्यताया खं कया न्हेपु, ल्हाः मुक्क मच्चंम्ह खः वय्कः ।

वय्कलं थौ तक स्वंगू सफू च्वय पियना दी धुंकल । व खः- १. 'सि व पुया नेवाः नां' (पिकाकः मदनसेन वज्राचार्य), २ 'खँत्वाः खँभाय् व छुनाखँ छपुचः' (पिकाकः नातिवज्र वज्राचार्य) व ३. 'भावो' (पिकाकः कुतः पिकाक) । वय्कलं ज्यापु ज्या सम्बन्धि जक च्वयेगु मयाःसे नेवाः भाय्था अलंकार (तिसा) खँत्वाः खँभाय् व छुनाखँ थें ज्याःगु खँत्वाः मुनाः थ्व सफू पियना दिल । खँत्वाः खँभाय् व छुनाखँ धयागु नुगलय् लूधे ययःथे दयेके जिउगु मखु । मन्तय्सं न्वंवाःगु, गनं च्वया तःगु खनीबलय् छगू निगू याना मंदयेक मुंकाः तयेमाः । थ्व खँत्वाः वय्कलं नीदं न्ह्यःनिसें मुंका तयादीगु खः ।

थथे हे वय्कःया 'भावो' सफू नं यमि ज्यापुतय्गु बारय् च्वया तःगु सफू खः । ज्यापु पञ्च ज्याथः मजुनि । अय्सां वय्कलं ज्यापुतय्गु संस्कृति, सभ्यताया बारय् दुग्यंक च्वयादिल । कुतः पिकाकं चिचिधंगु सफू यक्व पिकाये धुंकल । तर थ्व पिकाकःया आः तकया दुने दकसिबय् तपंगु वय्कःया 'भावो' सफू हे जुइमाः । वय्कःयाके नेवाः संगीतया नं ज्ञान दुगु सी दु । वय्कःया शौख मध्ये नेवाः लोक संगीत न्येनेगु जक मखु अज्यागु संगीत सीके सयेकेगु इच्छा दुपित हाला क्येनेगु नं खः । अथे जुया वय्कलं नेवाः बाज्या बारय् अनुसन्धान याइपिं व पिएच.डी.याइपिं विद्यार्थीपिन्त नं न्यंकेगु व कनेगु यानादी । वय्कः ज्या मदु

धका ल्हाः याकुप्याना च्वनीम्ह मखु । नेवाः संस्कृति, सभ्यता, वागवानी थें ज्याःगु विषय च्वया च्वं । उकिं वय्कः मदये धुकूसां वय्कलं च्वया तःगु मेगु पाण्डुलिपि अवश्य नं दइतिनि धयागु वय्कःया बानी स्थूपिसं बिचाः यायेफु । थज्यागु सफू आः पिकाये मफत धाःसा अनलाः थनलाः मदया बनी । लिपा जुल कि तनावनी । उकिं अज्यागु सफू फुफुपिसं पिकायेत ग्वाहालि याये मालेफु । खला ज्यापु पञ्च नेवाः समाजया हे सम्पत्ति खः । अय्सां वय्कःया पिकाये मानिगु कीर्ति ज्यापु महागुथि थें ज्याःगु ज्यापु समाजया आधुनिक खलः, पुचलं पिकया यंकेगु यायेमाः ।

दकसिबय् न्हापां ने.सं. १०९० स 'जिगु भसुकाः' नांगु कविता च्वया साहित्य ख्यलय् पिलू भाःम्ह ज्यापु पञ्चयात हने कथं लोक साहित्य परिषद् ने.सं. ११२० स वय्कः बालं च्वनाच्वंगु क्वथाय् थ्यंक वना 'गौरी-अनन्त सिरपाः' लःल्हाःगु खः । थुबलय् वय्कः उसाय् मदया च्वंगु खः । थथे हे थीथी खलः, पुचलं वय्कःयात इलय्ब्यलय् दसिपौ व हनापौ नं लःल्हाना तःगु सी दु । तःदँ न्ह्यःनिसें गंत्वचं कया च्वंम्ह वय्कः वासः यायां उसाय् बांलाना वये धुकुगु खः । छकः नेपालभाषा साहित्य ख्यःया पासापिसं छुं भचा दां म्हाया ग्वाहालि नं याःगु खः । उबलय् नेपालय् न्याये मदगु वासः फुपिसं विदेशं हया ग्वाहालि यात । थथे वासः याना वय्कः पिहां नं भाये फये धुकूगु व लिपा हानं पिहां भाये मफत ।

वय्कःयात गौरी अनन्त सिरपाः लःल्हाःगु भाः वय्कः नापया खँल्हाबल्हा छगू मदनसेन वज्राचार्य पितहया दीगु दु । अथे हे कपाली एच.के.नं वय्कःया खँल्हाबल्हा पितहया दीगु दु । थथे हे मेट्रो एफ.एम.य् नं वय्कःया खँल्हाबल्हा प्रसारण जूगु दु ।

ने.सं. १०७१ थिंलाथ्व ४ खुन्हु औलाछि त्वाः, थायमदु, येंय् बौ देवनारायण महर्जन व मां चन्द्रमाया महर्जनया कोखं बूम्ह वय्कः थाय्थासय् बालं च्वच्वं जीवनया रथ न्ह्याकु न्ह्याकु ५२ दँया ल्याय्म्ह बैसय् गंत्वचं मन्त ।

